

3 lucky winners will WIN! A RETURN TRIP TO WATCH MANCHESTER UNITED IN SYDNEY

PRIZE INCLUDES:

- 1 Game Pass
- Travel Allowance
- A return ticket
- Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg



Pala i laki
Digicel
Wina - p6

Marape tok nogat, tasol Fainens go het na peim

STANLEY NONDOL i raitim

FAINENS minista James Marape aste tokaut olsem Fainens dipatmen i peim bikpela milian kina go aut long ol praivet kampani, loa bisni na long ol man nating, bihain long em bin putim stop long mekim peimen.

Minista Marape mekim dispela tok long mekim klia long pablik long Oposisen Lida Belden Namah we toktok strong tru long flo bilong palamen dispela wik olsem Fainens dipatmen i peim K71.8 milian go aut long wanpela loa kampani long pasin korapsen.

Mista Marape, long mun Novemba 2012, bin putim stop long Fainens dipatmen long noken mekim peimen long husat gat kot oda long loa Fem na long ol man na kampani inap opis bilong Solisita Jenerel i klairim ol kleim bilong ol.

Mista Marape tok moa olsem bihain long em putim stop, Fainens dipatmen bin peim bikpela milian kina go aut. Em toke em ino save long ol dispela bikpela milian we oposisen I toktk strong long en. Mista Marape tok Fainens sekretari na ol wok man insait i asua tru long peim ol dispela bikpela milian na tok wok painim we bai kamap stat long neks wik bai mekim klia long pablik long ol dispela bikpela milian mani.

Mista Marape tok moa olsem em save long tupela peimen tasol we dipatmen peim bihain long em putim stop em K6milian na narapela K8milian. Em tok wok painim bai kamap kwiktaim long mekim save long husat I asua na mekim pasin korapsen na stilim pablik mani.

Oposisen lida Belden Namah bin toktok strong long palamen olsem Fainens dipatmen i peim bikpela milian kina long wanpela Loa Fem long pasin korapsen na askim Praim Minista Pita O'Neill long tok klia long wanem rot dispela go aut.

I go moa long pes 2

BIKPLA TOP UP PROMOSIEN TRU BLO PNG

Take your Top Up wantam K2 a moa, but you know, and it long go long long wanpela top drive to winn 1 pda for K1000. Land Cruisers na 1000 ba go must long drive to winn 1 pda for K1000. Land Cruisers na 1000 ba go must long drive to winn 1 pda for K1000.

DIGICEL SUPER 8

Wantam K3 million top up to upgrade

Digicel

Terms and conditions apply. Promotion is from May 23 to July 31. Prepaid Customers earn unique entries for topping up with a minimum of K2 and will qualify for the next day's draw for Free Call & SMS Credits. Top ups should be made between 00:00H Wednesday to 23:59H Sunday of each week to qualify for the Land Cruiser draw on the following Wednesday. All entries expire at 00:00H every Wednesday (beginning May 23). Customers need to top up again to qualify for the next Land Cruiser draw. To check entries, dial *1408. For the complete Terms & Conditions, please refer to Digicel website www.digicelpng.com.

GLOBE More Easy, More Tasty, More Energy

CORNERED BEEF WITH CEREAL

GLOBE CORNERED BEEF WITH CEREAL

GLOBE CORNERED BEEF WITH CEREAL

GLOBE CORNERED BEEF WITH CEREAL

GLOBE CORNERED BEEF WITH CEREAL

GLOBE ...the perfect choice

PNG MADE

Fainens Sekretari i aut, deputi i saspen na Zurenuoc stap ekting sekreteri

STANLEY NONDOL i raitim

FAINENS minister James Marape aste tokaut olsem gavman i makim Sif Sekreteri Manasupe Zurenuoc long stap ekting sekreteri bilong Fainens na saspenim deputi sekreteri bilong Fainens Jacob Yafai na givim malolo long sekreteri Steven Gibson long larim wok painimaut go insait long dipatmen bilong fainens long pasin korapsen long lus bilong bikpela milien kina.

Minista Marape mekim dispela tokaut bihain long oposisen lida Belden Namah long palamen tok bikpela milien kina i lus long pasin korapsen go long han bilong wanpela loa Fem.

Bihain long Praim Minista Peter O'Neill tokaut long wok painim bai kamap long dispela hevi, mista Marape tok peimen long bikpela milien bin kamap long taim we Sekretari Gibson bin go duti travel long ovasis. Em tok deputi sekretari Jacob Yafai bin stap ekting sekreteri na we em gat wankain pawa olsem



Fainens Minista James Marape (namel) tok aut long saspen rausim bilong Fainens sekretari na Deputi Sif Sekreteri Manasupe Zurenuoc stap ekting (left) na Fainens Sekretari Steven Gibson (rait)

sekreteri na givim tok orait long mekim peimen na lukim bikpela milien kina bilong pablik go aut.

Minista Marape tok em i no klia long bikpela milien i wok long lus

bilong wanem em tok em bin putim stop na ol opisa long Fainens i wok long peim mani go aut yet. Em tok wok painimaut bai kamap kwiktaim neks wik na

long narapela sindaun bilong palamen bai em tebolim long palamen.

Minista Marape tok mista Gibson husat em seksen 32 opisa we i gat pawa long givim tok orait

long peimen em gavman askim long stap malolo bilong wanem em no bin kontrolim menesmen gut maski bikpela peimen go aut em i no save.

Wankain taim mista Gibson tok em i no amamas tru long lusim wok na stap malolo olsem gavman i askim, em tok em bin stap 36-pela yia long wok pablik seven long Fainens na nogat wanepla taim em gat nem nogut long pasin korapsen.

Mista Gibson tok em respektim singaut bilong gavman long stap malolo na tok em bai wok bung wantaim investigesen tim long stretim dipatmen long rot bilong yusim na lukautim mani bilong pablik.

Mista Marape tokaut olsem Sif Sekretari bilong gavman Manasupe Zurenuoc bai stap ekting sekreteri bilong Fainens inap wok painimaut i pinis.

Eking sekreteri Zurenuoc tok em amamas long makim bilong em olsem sekreteri bilong Fainens na tok em tu bai halivim long kwik pinisim wok painim long dispela hevi.

Oposisen tok media mas repot na noken pret

STANLEY NONDOL i raitim

OPOSISEN dispela taim i no wanbel long media long i no ronim ol strongpela stori bilong pasin korpsen insait long kantri na tok media mas noken prèt na lusim ol stori tasol mas tok klia long pablik long wanem samting kamap long ron bilong gavman.

Marape tok nogat, tasol Fainens go het

I kam long pes 1...

Praim Minista kwiktaim bekim askim bilong Mista Namah long floa bilong palamen na tok em askim Australia Federal Polis na Intapol long halivim PNG polis na Tas Fos Swip long mekim wok painimaut long dispela hevi.

Minista Marape tok em i no wanbel stret long pasin we ol wok man insait long Fainens dipatmen i mekim long sainim ol kleim na peim milien go aut we em tok nogat long en.

Marape tok planti bilong ol dispela peimen em deputi sekreteri bilong Fainens i givim tok orait bihain long sekreteri stap long ovasis o duti travel long ovasis.

Oposisen i welkamim toktok bilong praim minista Peter O'Neill long kamapim investigesen long dispela na tok ol bai wok bung long pinisim dispela wokpainim kwik na tebolim long neks sindaun bilong palamen. Oposisen Lida Belden Namah na deputi Sam Basil i tok tenkyu long Spika Theo Zurenuoc long respektim konstitusen na larim ol toktok long ol bikpela korapsen pasin long palamen .

Misata Namah tok Spika mas rulim palamen long dispela rot tasol long palamen mas gat fridom long paitim toktok long daunim pasin korapsen.

Oposisen lida Belden Namah las wik Fraide kolim wanpela press konprens bihain long spika Theo Zurenuoc bin stopim em long palamen floa taim Mista Namah laik autim korap pasin long Fainens dipatmen. Long nius konprens em tokim midia long wanem samting em laik toktok long palamen.

Long Tunde dispela wik taim palamen bung gen, Mista Namah kolim wankain pres konprens wantaim ol memba bilong oposisen na, em autim belwari long media long i no bin repot long bikpela korap pasin we kamap long Fainens dipatmen we em tokim midia. Mista Namah tok wok bilong

midia em long skelim stori na repot long pablik na i no long pret.

Wankain taim Mista Namah tok em i no gutpela pasin long EM TV bin tok sori long Praim Minista Peter O'Neil long wanpela nius repot we EM TV ripota Scott Waide bin ripot olsem Praim Minista i save kisim winmoni long ol kontrak wok bilong gavaman. Dispela stori Mista Waide kisim long Mista Namah long Lae. Mista Namah tok Midia mas noken prèt long wok bilong ol.

Long wankain taim Mista Namah wantaim ol memba bilong oposisen tok bikpela amamas i go long spika Theo Zurenuoc long larim oposisen

long toktok long pasin korapsen long palamen floa. Mista Namah tok dispela em namba wan taim spika respektim demokresi na konstitusen bilong kantri. Em tok palamen mas ron long dispela kain rot na i no long blokim na wansait long gavman.

Mista Namah wantaim 6-pela memba bilong oposisen autim bel wari long ol memba bilong oposisen i wok long go long gavman sait. Mista Namah tok em laik bilong wanwan memba tasol em tok kantri nidim strongpela oposisen long daunim korapsen na pait long rait bilong ol pipel. Mista Namah tok em no wari na ken

stap wanman long oposisen. Mista Namah mekim dispela toktok bihain long Talasea memba Francis Marus na Lufa memba Jeffry Kuave lusim oposisen na joinim gavman long dispela wik sindaun bilong palamen.

Oposisen lida tok ol memba move go long gavman long kisim DSIP mani kwik. Namah wantaim Deputi bilong em, Sam Basil tok ol stil wetim yet K10 milien DSIP mani bilong distrik.

Oposisen tok gavman i holim bek DSIP mani yet na i no givim na krisim ol memba long oposisen long joinim gavman long kisim DSIP kwik.



Oposisen Lida Belden Namah na Kundiawa MP Tobias Kuglang wantaim Kanrian Joseph Lelang autim belwari long media lain.

Gavman mas stretim polisi bilong agrikalsa na sapotim pipel

STANLEY NONDOL i raitim

Gavman mas stretim agrikalsa polisi na daunim prais bilong ol marasin na fetalaisa long sapotim wok agrikalsa long sapotim ol liklik populesen bilong 7-milien pipel bilong Papua Niugini stap long rurel ples.

Dispela em bikipela wari bilong memba bilong Sumkar, Ken Fairweather we tok em kamapim long wanpela kempen na toktok wantaim gavman na saveman long stretim agrikalsa polisi.



Ken Fairweather..

Mista Fairweather i tok gavman mas putim bikipela mani long fetalaisa na ol marasin bilong kilim binatang nogut we i save bagarapim kes krop olsem kopi na kakao long daunim prais long ol fama ken isi long baim na yusim long stap strong long wok agrikalsa.

Em tok ol planti plantesen bilong kopi na kakao na ol liklik fama i kisim taim bilong wanem prais bilong fetalaisa. na pestisaid o marasin bilong kilim binatang em antap tru.

Mista Fairweather tok wol prais bilong ol kes krop i pu-daun na prais bilong marasin i antap tumas.

Em tok gavman mas sabsidaism na prais bai kam daun long ol fama ken baim. Em tok sapos gavman i mekim dispela bai lukim kantri bai gat planti o bikipela kwantati long salim long wol maket na bikipela inkam bai kam insait long sapotim baset bilong gavman na tu ol pipel long rurel ples bai gat inap mani long sapotim laip bilong ol.

Mista Fairweather tok moa olsem bikipela mani bilong nesenel na provinsel gavman i save go long ol haia kar kampani na ol opisa save yusim long raun na holim bung nabaut we em i tok dispela em i westim moni we nogat gutpela kaikai bai kamap long en.

Memba bilong Sumkar tok Nesenel Developmen Benk i no wok orait long sapotim ol pipel long wok agrikalsa.

Em tok bikipela mani save go long baim ol wokman na konsalten na ol advisa na planti pipel bilong ples i no kisim winmoni long benk long sapotim ol.

Mista Fairweather tok gavman mas katim daun ol sampela eria olsem haia kar, traun, bung, na harim ol konsaltan lain. Em tok ol dispela mani gavman ken yusim long sapotim ol fama na gutpela we long putim mani long daunim prais bilong fetalaisa na ol marasin bilong sapotim ol kes krop.

Mista Fairweather tok taim gavman putim mani long dispela na bai apim inkam na tu bai kamapim planti wok na ol pipel long ples stret bai kisim bikipela winmoni long wok agrikalsa.



12

SAMSUNG GALAXY S3'S UP FOR GRABS!

Bank Smart

with BSP Mobile Banking and you could own a Samsung Galaxy S3.

BSP is giving away 1 Samsung Galaxy S3 Plus 10 Nokia Ashas per week for 12 weeks.*

To qualify:

1. Simply register for Mobile Banking
2. Perform an eligible transaction Via BSP Mobile Banking.

- ✓ Fund Transfer
- ✓ Third Party Fund Transfers
- ✓ Purchase EasiPAY or
- ✓ Digicel Credits

Faster, Cheaper, Anywhere, Anytime 24/7

*Refer to our website for full Terms and Conditions | Promotion Valid 15th May - 31st July

320 1212 / 7030 1212 - 24/7

servicebsp@bsp.com.pg

www.bsp.com.pg

Like us on:

Official Sponsor of the 2015 Pacific Games

TELE Apdeit

Konektim skul bilong yu long intanet

Yu ken yusim ADSL o long ol telepon lain, o long waiales (WiMAX) wantaim ol Telikom Skul Pokes plen:

PostPaid Pokes

Telinet Skul 1,000MB

Telinet Skul 2,000MB

Telinet Skul 3,000MB

Telinet Skul 4,000MB

Fri Daunlod

1GB, 2GB, 3GB, 4GB

Rent long olgeta Mun

K50, K80, K113, K150

Ekses Sas long wan wan MB

0.11, 0.11, 0.11, 0.11

● Namba wan luksave bai go long ol skul i no konek yet long intanet.

● FRI Instolesen

● Karamapim olgeta bikipela siti na eria Telikom i gat siknel

Ol askim: Email sales@telinet.com.pg o Telepon 3025500 o 3025554

Winim raun i go lukim Manchester United

Kamap wanpela long tripela laki wina long winim wanpela riten trip i go long lukim Manchester United i salensim A – League All Stars long ANZ Stadium long Sydney dispel mun Jul.

Prais em:

- Wanpela Gem Pas o tiket
- Wanpela balus tiket
- Tupela nait silip
- Travel Alawens

We bilong Winim

Spendim K200 o moa long wanem ol Telikom Prodak long wanem ol Telikom Stua, raitim nem na address bilong yu long baksait bilong risit, dropim insait long bokis, long wanem ol Telikom Stua, na go insait long droa long win.

19t/MB

Hamamas wantaim Prepaid 19 toea of-pik intanet ret namel long 7am-7pm. I nogat hevi long en.

Long save moa, ringim 24/7 Kastoma Kea long 3456789.



Planti Inkwari i no karim kaikai

STANLEY NONDOL i raitim

GAVANA bilong Oro Garry Jufa, aste long palamen I tok gavman i wok long putim bikipela milian kina long inkwari tim long kamapim wok painim long ol korap pasin tasol dispela inkwari i no save karim kaikai, na nogat wanpela man i kisim mekim save bilong loa bihain long inkwari.

Mista Juffa, tok planti yia go pinis, gavman i laik stopim pasin korapsen na kamapim planti inkwari wantaim bikipela milian

kina, tasol bihain long inkwari i pinis nogat wanpela man I go kalabus o kisim bikipela mekim save aninit long loa. Em tok bikipela milian gavman save i yusim long kisim ol pastaim jas na loya na akaunten tasol bilong wanem na gavman i no yusim ripot bilong inkwari.

Mista Juffa i singaut long gavman long kisim ol ovasis investigesen tim kam long givim mekim wok painim long ol korapt pasin long kantri.

Minista bilong Jastis na Atoni Jenerel, Kerenga Kua i tok kantri

gat inap loa long mekim save, tasol em i tok trutru em gavman i no save yusim inkwari ripot.

Minista Kua i tok i gat tupela ripot nau stap long gavman bai yusim. Em long Fainens ripot na Shipping Inkwari ripot. Em i tok Fainens inkwari em kot oda i stopim long noken yusim. Tasol gavman pailim wanpela kot pepa pinis long kisim tok orait long tebolim long palamen na bai yusim painim bilong ripot.

Long wankain taim Mista Kua i tok inkwari ripot bilong SABL we pastaim sif mejistret John

Numapo go pas long en I no redi yet. Em i tok det lain bilong inkwari i pinis na gavman wok long surukim taim go moa yet tasol ripot i no pinis yet.

Mista Kua tok gavman peim bikipela milian kina long pinisim SABL inkwari tasol em tok gavman i no amamas long ripot i no pinis hariap.

Long wankaintaim, Prait min-ista Peter O'Neil tok em les pinis long ripot i no pinis hariap, na tok em i lukluk long kenselim na bai lukluk long rot long kisim bikipela milian mani bek.



STAIL BILAS PIKININI: Dispela liklik pikinini bilong wanpela nes long Marianville Gels Sekonderi skul, Bomana ausait long Mosbi siti i bin stailim gut tru long tumbuna bilas bilong ol Milen Be pipel na wet long welkamim Prait Minista bilong Australia taim em bin raun I go long skul tupela wik i go pinis. **Poto: Veronica Hatutasi**

Kapris na Walimini ronawe hait yet

BIKNEM na ris kalabus man, William Kapris, we kantri i wok long tromoim bikipela mani long lukautim na painim em taim em i ronawe tupela taim nau long Maksimum Sekyuriti haus kalabus i ronawe yet i stap wantaim nara-pela laip kalabus man na wantok bilong em, Raphael Walimini.

Kapris, Walimini na nara-pela hatko kalabusman, Michael Warangu husat nau i dai bihain long polis i sutim em i bin ronawe long Bomana Haus kalabus long las wik Tunde 2 kilok apinun samt-ing.

Ol ripot i tok wanpela meri woda nes i bin helpim ol i ronawe.

Ol ripot i givim nem bilong meri woda nes opisa olsem Koporel Hilda Gajawe i gat 44 krismas na i kam long Suave long Simbu Provins.

Ol ripot i tok woda meri ya i

bin givim tripela ronawe kalabusman long ol pistol o ol gan na ol mobail fon, na tu, tokim ol olsem ol gad i wok long dispela taim bilong ol i laik ronawe i no holim gan, na i seif long ol i ronawe.

Polis i holim pasim na sasim Koporel Gajawe pinis.

Long aste, polis long Nesenel Kapitel Distrik i gat 72 awa o tupela de long painim Kapris na Walimini pastaim ol i putim riwod o prais mani long husat i gat infomesen long ples we em (Kapris) i ronawe hait long em.

Deputi Polis Komisina, Simon Kauba, i tok olsem polis i bilip olsem ol bai painim na holim tupela kalabus man ya.

Kapris i stap long kalabus long 34 krismas long stil pasin em bin wokim long Madang na Kerema BSP Benk na stilim klostu long K3 milian. Na tu long stilim ol gol ba long

Waigani we i kostim planti tausen kina.

I kam inap nau, planti milian kina i stap hait yet na planti pipel i bilip olsem Kapris na ol lain hait poro bilong em i yusim dispela mani long baim ol manmeri na ronawe rot bilong em long haus kalabus.

Walimini i stap long laip kalabus bihain long em i kisim sas long holim gan na wokim stilpasin na tu, kilim dai nara-pela man taim em i stap mlong Bomana Haus kalabus.

Waran gu i bin stap long haus kalabus long laip bihain long em i kilim dai nara-pela man na tu, long kilim dai nara-pela man i no longpela taim i go pinis long Bomana Haus kalabus.

Polis i wok long mekim olgeta samtng long painim tupela ronawer kalabus man, na ol i askim pablik i gat sampela infomesen long ringim NCD Metropolitan Superintenden Operesen long telepon namba 73342212.

Fri edukesen na sumatin namba go antap

STANLEY NONDOL i raitim

PRAIM Minista Peter O'Neill, gavman polisi bilong fri edukesen i lukim namba bilong summat-ing long olgeta skul long kantri I go antap tru, tasol klasrum na tisa haus i sot wantaim ol samt-ing bilong lainim.

Ekting Edukesen minista James Marape aste tokaut long palamen olsem fri edukesen polisi bilong O'Neill gavman em i gutpla bilong wanem, namba bilong sumatin long elementri, praimer i na sekonderi skul i go antap long 70%, na bai go antap moa long 100% insait long 5-pela yia. Tasol Mista Marape tok I gat bikipela nid long haus bilong tisa na klasrum na tu ol arapela samtng bilong ol sumatin bai kisim lainim.

Minista Marape i tok gavman long dispela yia i pitum K652 milian long fri edukesen na em wok gut tru Em i tok O'Neill gavman bai putim fri edukesen yet inap long 5-pela yia na, olgeta pikinini mas go long skul. Em tok long mun Ogas olgeta skul long kantri bai salim infomesen o data kam long edukesen dipatmen long soim rot ol i yusim fri edukesen mani long en.

Minista Marape i mekim dispela toktok bihain long memba bilong Wabag, Robert Ganim i askim em sapos gavman gat plen long apim pe bilong tisa na tu gavman ken salim peirol sistem go long wanwan provins. Mista Ganim tu em tisa bipo na i gat bikipela wari long ol tisa na em i askim sapos gavman i mekim sampela samt-ing long stretim 7,000 tisa husat go off long peirol. Mista Ganim i tok ol tisa save mekim bikipela hat wok, na PNG Tisa Asosiesen i wok long pait hat long pe na alawens bilong tisa. Em I tok tu olsem planti yia tasol gavman i no save lukluk long ol dispela wari bilong hatwok tisa.

Mista Ganim i tok olsem olgeta de, planti tisa i save stap long FinCorp haus-etkwata bilong Edukesen dipatmen na westim taim bilong ol sumatin. Mista Ganim tok ol dispela tisa laik mekim we bilong ol long go insait long peirol nating na gavman mas stretim dispela korap pasin.

Mista Marape long bekim i tok ol tisa mas i stretim pepa bilong ol long distrik na provinsel edukesen opis taim ol stat wok na dispela bai mekim Waigani isi long putim ol long pe.

Mista Marape tok gavman i tok orait long wanpela straksa pinis long apim pe bilong ol tisa. Em i tok ol tisa bai kisim pe long save bilong ol o skul pepa bilong ol. Dispela bai lukim husat tisa gat masta digri bai kisim pe antap long husat gat digri nating na diploma o setifiket.

Em i taim bilong kaunsel ileksen

Sape Metta i raitim

TAIM bilong Lokel Level Gavman (LLG) ileksen em i kam klostu nau, na planti ol kendidet husat bai nominet na rong long ol sit bilong kaunsel na kaunsel presiden i stat long redim ol yet long resis long dispela ileksen. Na dispela ileksen bai i ken lukim planti man na ol meri tu i resis.

Dispela bai i ken kamap, long wanem, long bipo fanding biong ranim LLG long wanwan yia long ol distrik na provins em i daun tru, we sampela long i save kisim mani mak olsem ten o twenty tausen kina (K10,000 o K20,000).

Nau yet nesenel gavman aninit long lukaut bilong praim minister Peter O'Neill na namba tu bilong em Leo Dion i tok orait long apim

mani mak bilong ranim wanwan LLG long wanwan yia i go antap long faiv handret tausen (K500,000).

Dispela i mekim na planti ol kendidet i bel kirap na bai ol i resis long loke kaunsel ileksen long dispela yia. Tasol ol man-meri i mas tingting gut na tromoi vot long makim ol gutpela kaunselas na presiden, long wanem ol tasol bai kamapim mani plen na skelim K500,000 long ranim LLG

opis bilong ol.

Nau yet wanpela hauslain komyuniti ;lida na mausman long Goroka – Isten Hailans, Francis Warigiso i tok *Wantok Nius* olsem wok bilong ol LLG kaunselas em bai kamap bikpela tru bikos nesenel gavman tok orait pinis long givim bikpela mani long ol bai i ken yusim long wanwan LLG wod bilong ol.

Em i tok sapos ol pipol i makim ol raitpela man o meri

long kamap olsem LLG kaunselas na lidas bilong ol, ol bai i ken yusim gut mani na fans bilong ol pipol long mekim na bringim sevis tu i go daun long ol hauslain na viles komyuniti.

Mista Warigiso i tok strong long ol pipol bilong etpela (8-pela) distrik long Isten Hailans long lukluk, skelim gut na makim stret raitpela man o meri long kamap olsem lidas na kaunselas bi-

long ol. Na sapos ol pipol i makim gutpela lidaman o meri, ol i ken lukim developmen na trupela senis bai i ken kamap long wanwan komyuniti bilong ol.

Em i tok bikos long bikpela mani mak we bai i go daun long olgeta LLG long dispela yia, ol man-meri long kainkain levul na bekgraun bai sanap na resis long dispela ileksen we bai stat long wik i kam bihain.



LONSIM: Gregory Yeo (lephan), Mausman bilong Philips bren mama kampani Sang Fei, Calvin Ng, na Nambawan Trophy Jeneral Menesa Jimmy i sanap wantaim ol nupela Phillips mobail fon, Fone Haus bai salim. Fone Haus nau i wok long ronim wanpela promosen bilong givim ol kastoma bilong ol nupela kain mobail fon. Nau yu ken baim ol nupela Philips smatfon, long K399 tasol. Wantaim dispela, yu ken kisim wanpela fri fon gen, o yu ken kisim wanpela Philips hetfon.

Daunim takis bilong seken end kar:Basil

Stanley Nondol i raitim

DEPUTI Oposisen lida na memba bilong Bulolo Sam Basil i singaut long gavman long daunim impot takis long kar long ol pipel ken baim moa kar na mekim isi long laip bilong ol.

Mista Basil tok gavman bin yusim (Appropriation Bill) o wanpela loa na bin apim takis bilong seken han kar long daunim namba bilong kar long kantri. Mista Basil tok gavman i mekim dispela long dausnim hevi bilong trefik jem na tok moa olsem dispela em i no gutpela. Em tok ol pipel mas baim moa kar long mekim laip bilong isi na wok bilong gavman em long stretim gut ol rot insait long kantri.

Mista Basil long las wik tok trefik jem i no hevi ol pipel kamapim. Em tok ol pipel gat rait long baim kar na tok gavman mas daunim bikpela takis bilong seken han kar we save

kam insait long kantri.

Wankain taim Mista Basil tok rot mentenens long Nazap Aitpot long Lae go long bikpela haiwe long K5milian i no pinis na tok gavman mas kamapim wok painim long dispela rot projek. Mista Basil tok wanpela PNC pati man bilong Parim Minister Peter O'Neill kisim dispela kontrak long kampani nem RedRok tasol wok ino pinis.

Bihain long en Praim Minista Peter O'Neill bekim na tok olgeta man meri long kantri i gat rait long mekim wok bisnis insait long kantri na em i no asua long dispela pati man ksism wok.

Tasol mista Basil tok em i no wanbel long ol makim dispela man bilong wanem em sinia man long pati bilong praim minister O'Neill nau mekim disisen long kantri na tu em bin askim sem askim long namba wan sidaun bilong palamen long dispela yia long woks minista long tok klia.

AGRICULTURE TRACTORS



PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

AGMARK
MACHINERY

BEYOND BOUNDARIES SUNDAY, 6PM - 6.30PM

Topic of the week:

Defence White Paper



FM100

PNC's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARHAM 100.5	MT. KAINGUMA 107.1	PALMAMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Dai i pasim Goroka haus sik

Sape Metta i raitim

WANPELA mama husat i laik karim – i dai wantaim pikinini long bel bilong em, na long sem taim wanpela sik man tu i dai long wik i go pinis long taim bikipela Goroka Bes Jenerel Haus sik long Isten Hailans i riferim ol i go antap long Kundiawa haus sik long Simbu Provins long kisim operesen.

Tripela lain i bin lusim laip bilong ol long taim ol i bin ron i go long haiwe namel long Goroka na Kundiawa.

Bihain long dispela hevi

kamap, ol dokta, nes na helt woka long Goroka i protes i go long straik bikos ol i wari na sore na i tingim laip bilong ol sikmanmeri na pikinini husat i save kisim marasin, medikol na klinikol sevis long Goroka haus sik.

Isten Hailans Nesas Asosiesen Presiden Lenson Hinanu i tok, edministresen na menesmen bilong Goroka haus sik i no moa tingting long lukaut bilong ol siklain.

Tasol i no mekim olsem, ol i tingting tasol long ranim haus sik olsem praivet bisnis bilong ol. Ol i no wari long ol siklain, ol i wari long wokim

bisnis.

“Mipela i riferim ol i go antap long Kundiawa bikos mipela i nogat ol masin long yusim long sikman long Goroka haus sik. Planti masin long helpim mipela long mekim wok na sevim laip bilong ol sikman-meri na pikinini bai no nap kisim gutpela sevis, na ol i ken lusim laip bilong ol tu,” Hinanu i tok.

Na man husat i go pas long kamapim dispela straik Dokta Francis Wand i tok Goroka haus sik i save kisim ol spesolis dokta na helta woka. Na ol i ken wok bilong ol gut long sevim laip bilong

ol siklain. Pasin wokbung em mas i stap namel long ol edministresen na menesmen. Long dispela pasin tasol wok long givim sevis bai i ken kamap gut tu. Tasol dispela pasin em i no i stap nau, olsem na wok longr haus siku i bagarap nabaut.

Dokta Wand i tok planti pau pilai em i stap tu long Isten Hailans Provins Helt Atoriti Bod. “Mipela i bin givim petisen long dispela bod long Epri dispela yia, na ol i tokim mipela olsem ol bai kam bek long mipela wantaim ol bekim insait long wanpela wik. Dispela wanpela wik i kamap tupela mun

na mipela i wet yet.

Mipela i no nidim dispela bod husat i no nap harim wari na krai bilong mipela ol helt woka. Long dispela straik nau mipela i kamapim, em mipela i no tingim mipela long ol awenes na ol kondisen bilong mipela. Mipela i tingrim ol sikmanmeri na pikinini na ol siklain husat i wok long i dai na mipela kamapim dispela straik nau.”

Em i tok nau yet em i laikim olsem nesenel helt minister Michael Malabag i mas kamap long Goroka na traim long adresim dispela isu.

“Mipela laikim Mista Malabag long kamap long Goroka na mipela i ken tok tok stret long em na bringim tu ol hevi, wari na krai bilong mipela i go long em. Sapos em i no nap kamap, mipela bai straik yet na i no nap go bek long wok i nap mipela harim sampela gutpela tok tok na bekim i kamap long askim bilong mipela,” Dokta Wand i tok.

Em i tok dispela straik bai i no nap stopim ol woka long emenjensi yunit na leba wod. Na ol lain woka husat i save lukautim ol siklain long ol wod bai i go het long mekim wok bilong ol.

ENB bai gat wokman yunion bilong en

Michael Novingu i raitim

ANINIT long atonomi, Is Nu Briten bai gat jeneral wokmanmeri yunion bilong ol yet.

Ekting bosman bilong Is Nu Briten wokmanmeri asosiesen, Patrick Varagat, i tokaut long wanpela kibung wantaim ol arapela lain husat i gat laik long joinim yunion long Kokopo las wik.

Varagat i tok olsem dispela bai helpim ol wokmanmeri husat i kamap yunion memba long ENB.

Em i tok em yet i makim ol non gavman ogenaissen long ENB provinsal asembli,

atonomi komiti.

Moa yet, em i tok aninit long atonomi plen bilong provins, ol woklain bilong gavman na praivet kampani mas kamap memba bilong dispela yunion.

Varagat i tok ol memba bilong yunion bai makim mausman bilong yunion bai makim ol long provinsal asembli.

“Ol NGO tu bai makim mausman bilong ol long makim ol long provinsal asembli long ol wok ol i mekim bai ol i sekim long lukim ol i mas bihainim trupela na stretpela pasin long mekim ol wok bilong ol,” Varagat i tok.

Em i tok bihain long LLG ileksen, ol bai makim ol mausmanmeri bilong ol i go insait long provinsal asembli.

Moa yet, em i tok dispela em i sans bilong ol wokmanmeri long joinim yunion na ol meri em sans bilong ol long kamap memba bai helpim ol long raits bilong ol long ol hap ol i save wok long en.

Varagat i tok ol meri save painim planti hevi long hap ol i save wok long en, long sait bilong ol i no save peim ol gut, nogat ova taim pe, na ol bosman bilong ol kampani ol i save wok long en i save askim ol long slip wantaim ol bai ol i apim pe bilong ol, i no stret.

Nominesen bilong LLG ileksen bai op

Sape Metta i raitim

NOMINESEN bilong Lokel Level Gavman (LLG) ileksen bai open long tu wiks taim, na ilektorel komisnin long Isten Hailans i bisi tru nau long kamapim ol plan na rere long dispela ileksen.

Nau yet deputi provinsal edministreta John Gimisive husat i go pas long lukautim LLG na viles kots long provins na tu em bai i go pas olsem siaman bilong LLG ileksen stiaring komiti i tok, ol komiti membas i wok hat nau long redim ol samt-

ing long karim aut ol wok long taim bilong ileksen.

Em i tok olgeta samtng em sekim ol sekuriti, ileksen poling taim, awenes, registresen bilong votas na trening bai redi bipo long ol ileksen opisels i go wok long taim bilong ileksen.

Long sait bilong trenim ol ileksen opisel – provinsal ekting ileksen menesa Janet Reuben i tok bikipela masta trening bai kamap long Me 26 i go long Jun 1 we bai karamapim ol aktivitis bilong nominesin, poling na kauting.

Em i tok provins bai kamapim wanpela de poling

long dispela yia.

LLG ileksen long dispela yia em bai narakain liklik, we ileksen bilong ol kaunselas na presiden ba i no na wankain. Na provins bai i ken lukim bikipela namba bilong ol nominesin i kamap.

Na long sait bilong sekuriti – provinsal polis Komanda (PPC) Suprintenden John Kale i tok wok bilong ol sekuriti long lukautim ileksen em i bikipela samtng long dispela ileksen. Na em i laikim olsem provinsal gavman i mas lukluk hariap long polis fos nau so ol i ken kamapim ol plan bipo long ileksen i kamap.



YANGPELA SKUL RAGBI

LAIN: PNG Skul Ragbi Lig Progrem i bin kisim gutpela luksave na sapot taim Paim Minista bilong Australia i bin lukluk raun i kam long PNG. Hia Mis Gillard i sanap toktok wantaim ol memba bilong PNG Skul Ragbi long UPNG Oval we em bin tok olsem taim yumi sapotim ol yangpela pikinini, yumi sapotim ol lida bilong bihain taim na olsem, yumi mas inves long ol. *Poto: Veronica Hatutasi*

NASFUND FM100 TALKBACK SHOW

MONDAY - FRIDAY, 9AM TO 12PM

Participate and be heard on an open forum on National Radio



Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. GIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINUMA 107.1	PALMALMAL 100.8	TARI 100.5	WAIJIBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONGETTA 100.5	TELEFOMIN 100.3	WEWAK 100.8



LAIKIM SEIF MAKET PLES: Kariso Janet i lainim ol hailans kaukau bilong em long salim long K10 long wanpela hip. *Poto: Veronica Hatutasi*

TRUPELA DILS IKAM LONG APNG

Port Moresby	↔	Lae	K 249
Port Moresby	↔	Hagen	K 299
Port Moresby	↔	Kimbe	K 349
Port Moresby	↔	Wewak	K 399
Lae	↔	Madang	K 249
Lae	↔	Wewak	K 399
Lae	↔	Kimbe	K 279
Lae	↔	Kokopo	K 329
Lae	↔	Popondetta	K 299
Kimbe	↔	Kokopo	K 199
Kimbe	↔	Wewak	K 649
Madang	↔	Wewak	K 249
Madang	↔	Kimbe	K 499
Madang	↔	Kokopo	K 549
Wewak	↔	Kokopo	K 699

Ol dispela balus tiket em wan wei na long flai namel long Mei 26 na Jun 22, 2013.
u ken baim tiket namel long Mei 22 na Mei 31, 2013
Ol rul istap. Namba blong balus sia sot.
Rul long baim tiket foapela dei pastaim long yu illai istap tu.
Ringim 16111 o go lukluk long www.apng.com

Airlines PNG
COME FLY OUR WAY

- PORT MORESBY** - Level 1, Pacific Place, 321 3400
- Vision City, 237 34259
- MR. HAGEN** - Central Highlands Printers, 542 0642
- Kagamuga Airport, 542 2732
- LAE** - Mike Bank Road, Fifth Street, 429 1880
- POPONDETTA** - Top Town (Opp. Memorial Park), 629 7638
- ALOTAU** - Preston White Street, 641 1286
- GORDONA** - Airport, 512 2532
- TABURIL** - Airport, 648 9171
- KIUNGA** - Airport, 648 1125
- MADANG** - Global Travel, 412 0011
- KIMBE** - Travel Line Limited, 7174 2386
- RABUL** - Rabaul Hotel, 852 1959

Namba wan City Mission greduesen

I NO long taim i go pinis, sampela yangpela man i greduet long vokesenel agrikalsa trening skul bilong City Mission long Mirigeda, Magi Haiwe, na kisim namba tu sans long laip.
Opis bilong City Mission long Koki, Pot Mosbi i tok long laspela 19 krismas, planti yangpela man i bin kisim skul na greduet, tasol ol arapela lain na midia i no save stap long kisim na wokim nius long en.
Bikos dispela em i namba 20 krismas City Mission i wok long kantri, ol bin holim opisel greduesen seremoni long

Mirigeda long las wik Sande we i bin lukim 22 yangpela man i greduet long pinisim vokesenel agrikalsa trening bilong ol.
Opis i tok bihain long ol yangpela man i greduet, ol save kisim wok long ol wan wan kampani na lukautim ol yet na ol famili bilong ol, na moa yet, ol save kisim namba tu sans long laip.
City Mission i wanpela komyuniti beis na Kristen ogenaísesen i save kisim ol manki i nogat papamama na raun nabaut long strit, na lukautim ol.



SELEBRET: Ol yut bilong Erima Kristen komyuniti liteji grup i putim kamap wanpela tumbuna danis na singsing long selebretim pestode bilong was santu, Sen Peter Sanel. *Poto: Sandra Amuru*

Ol meri Kirap i tok inap nau long bagarapim

Ol meri long Papua Niugini i stap longpela taim tumas aninit long hevi, bagarap na stap olsem samting nating insait long sosait.
Nau ol Meri Kirap i tok, i nap na, i nap nau long dispela pasin bagarapim meri na i no luksave long meri. PNG bai no nap go het olsem wanpela nesen sapos olgeta lain i no helpim long pinisim dispela pasin nogut bilong bagarapim meri.
Ol Meri Kirap i go pas long wanpela bikpela kibung bilong ol meri, sios, NGO na sampela kampani na gavman dipatmen long kamapim wanpela haus kra i long olgeta hap bilong kantri. Long NCD, ol i holim bikpela taim bilong prea na lotu long Tunde 14 Mei long apinun i go i nap long Trinde 15 Mei long apinun taim ol i givim wanpela pepa long Praim Minista O'Neill.
Taim 2013 i stat, kainkain pasin nogut i bagarapim ol meri nae m i wok long go antap yet. Ol nius pepa, redio na televisen i autim storim bilong wanpela meri ol i kilim na kukim long pablik ples long Maun Hagen, Mis Kepari Leniata. i no long taim bihain long wanpela wik em narapela nius ken i kamap long Lae we ol raskol i kisim na bagarapim wanpela nes meri. Tasol dispela em tupela stori tasol, wanem nau long planti moa handret kain pasin i wok long kamap tasol i no kamap ples klia long ol nius lain na hait i stap.
Tasol, hevi i no kisim ol meri tasol, i

no long taim i go pinis, yumi harim stori bilong wanpela Pastor long Lae, Pastor Mathew husat i sanap long helpim wanpela yangpela meri na ol i kilim em. Dispela i kamapim bikpela pairap stret long olgeta Papua Niugini na tu long ol arapela kantri ausait. Olgeta lain long arapela kantri i tok rabis tru long dispela kain pasin na singaut strong long gavman i mas mekim samting long stopim dispela kain pasin nogut.
Olsem na ol meri i kirap na i tok, em i nap nau. Mipela mas mekim wanpela samting long helpim ol meri bilong Papua Niugini.
Tasol ol meri i lida bilong dispela kibung i tok bipo long dispela de olsem ol i wari long gavman, Praim Minista na tupela meri memba long palimen i no kamaut long tok strong long wanem samting i wok long kamap long ol meri.
"Taim ol i pasim maus na i no mekim sampela toktok em i soim olsem ol no kea long laip bilong ol meri long PNG. Mipela bai no nap stap isi na lukim dispela kain pasin i kamap yet long ol wantok meri bilong mipela. Em ol mama, susa na pikinini bilong mipela ol i wok long bagarapim na kilim ol long rabis kain wei," Ol meri lida i tok.
Ol meri na ol grup i wok wantaim long kamapim wanpela pepa we ol i givim I go long Praim Minista Peter O'Neill long Trinde apinun long Sea John Gais stedium yet.

Amamas long Australia PM raun lukim ol Gerehu maket lain

Veronica Hatutasi i raitim

OL meri i save maket long Gerehu maket long Pot Mosbi i bin laki laik stret long lukim, sekan na toktok wantaim Praim Minista bilong Australia, Julia Gillard, taim em bin kam raun long kantri Fonde Me 9 inap long de namba 11.

Gavman bilong Australia i sapotim Yunaitet Nesens Wimen Seif Siti Progam wantaim mani mak bilong Aus\$3.52 milian long 5-pela yia, stat long dispela yia inap long 2017. Na long PNG, Gerehu Maket em i wanpela long ol we nau em i kamap olsem pilot projek, na Hohola na Gordons Maket bai bihainim Gerehu maket.

UN Wimens Seif Siti program i promotim sefti long ol

meri i sindaun gut na maket na tu, givim moa sans long ol meri long maket na kisim mani bilong lukautim ol yet na ol famili bilong ol.

Namba wan hap mani we gavman bilong Australia i givim long 2012 na 2013 inap long Aus\$500,000 long yusim long kamapim gut Gerehu maket, taim Nesenel Kapitel Distrik i givim narapela Aus\$75,000.

Kontribusen bilong Australia i sapotim long stretim maket haus, wokim ol nupela ruf insaut we ol maket lain bai sindaun na salim ol gaden kaikai, seif wara saplai na toilet, ol meri bai wokim mobail benking long ol liklik mani ol i kisim long maket, na givim trening long ol polis long sekyuriti long maket,

wanem samting ol bai mekim sapos i gat ol pait o vailens agensim ol meri na, statim riferel sevis long ol meri i kisim bagarap long vailens.

Long Pasifik Ailan Forum bung las yia, Praim Minista Gillard i bin tokaut long givim manimak bilong Aus\$320 milian insait long 10-pela yia i kam long sapotim program bilong "Pacific Women Shaping Pacific Development" o, ol Meri long Pasifik i wok strong long kamapim developmen insait long Pasifik.

As tingting long dispela program em long kamapim gut laip bilong ol meri long Pasifik, ol famili na komyuniti bilong ol wantaim ol wok we bai kamapim gut rot bilong kisim mani taim maket ples i seif na

pablik tu bai go kam long maket, daunim vailens agensim ol meri pasin na mekim moa meri long Pasifik i go long lidasip wok long ol wan wan kantri na long intanesenel level.

Gerehu Maket i bin klin gut tru na bikpela amamas i bin kamap long ol maket mama long Gerehu taim Mis Gillard i raunim olgeta hap ol meri i maket long en, wokim ol liklik toktok long ol na sekanim ol.

Gavana bilong Nesenel Kapitel Distrik, Powes Parkop, Helt na HIV na AIDS Minista, Michael Malabag na sampela ol meri lida long Mosbi Notwes Iektoret bin stap long dispela wokabaut bilong Mis Gillard na raun amamas lukim ol meri long hap long givim sapot bilong em long seif ples na wokim maket bilong ol.



Gutpela sekyuriti long Gerehu Maket

Veronica Hatutasi i raitim

"NAU mipela i ken sindaun gut, pilim seif na wokim maket bilong mipela bihain long ol i stretim gut maket na putim sekyuriti long lukautim Gerehu Maket," Maria Lui bilong ples Ramanai long Goilala insait long Sentrel provins, tasol i stap long Gerehu Stej 2 long Nesenel Kapitel Distrik, tok.

Em i 15 krismas nau Maria i maket long Gerehu maket na salim ol gaden kaikai olsem kaukau, banana, popo, pamkin sid na kumu na paiawut long lukautim famili bilong em.

Maria i gat tripela pikinini na man bilong em i no wok na olsem, mani em i kisim long maket i lukautim famili long kaikai, baim trenspot, haus sik taim ol pikinini i sik, na ol skul fi, yunifom

samting bilong ol.

Maria i save maket long 8 kilok moning inap long 6 kilok apinun.

"Long gutpela de, mi save wokim namel long K70-K100 na long sampela taim mi salim ol skel samting, mi save kisim K80 na daunbilo long wanpela de," Maria i tok.

Long raun bilong Praim Minista bilong Australia, Julia Gillard, i go long Gerehu maket, Maria i tok, "Em gutpela long bikmeri ya i kam lukim mipela ol meri na rot mipela i save stap na maket long en. Na bai gutpela sapos lain bilong em i givim sampela helpim long kamapim gut maket," Maria i tok.

Kariso Janet bilong Asaro, Goroka insait long Isten Hailans Provins i maket long tupela mun na em i laikim Gerehu Maket.

Malabag sapotim meri seif maket

Veronica Hatutasi i raitim

"SEIF meri konsep o tingting long maket ples em samting we ol Yunaitet Nesens Wimen i kamapim na mipela i sapotim insait long ol maket long Mosbi siti," Minista bilong Helt na HIV na AIDS, Michael Malabag i tok.

Bikos Gerehu Maket i stap long ilektorel bilong em long Mosbi Notwes, Minista Malabag i bin wanpela long ol bikman i raun wantaim Praim Minista bilong Australia, Julia Gillard taim em bin mekim wokabaut bilong em i go long maket ya long Me 10, 2013.

"Mipela i laik promotim dispela long sapotim ol meri na ol i ken sindaun gut na wokim maket bilong ol.

"Mipela i bilip olsem dispela projek, Mekim Mosbi i seif long ol mama na ol yangpela meri, bai kam gut na ol meri i kisim gutpela samting long en.

"Mipela i laik lukim seif na klinpela maket na skruim projek i



Helt na HIV na AIDS Minista, Michael Malabag wantaim tupela meri lida, Theresa em Presiden bilong Mosbi Notwes Distrik.

go long Gordons na Hohola maket," Minista Malabag i tok.

Kaunsela Patricia Mamele bilong Wod 9 A long Gordons eria i tok em i amamas long lukim olsem Gerehu Maket i seif na klin long ol mama i maket long en, na Godons Maket i ken lainim long em.

Gerehu Maket em i pilot projek long Meri Seif konsep insait long Nesenel Kapitel Distrik.



Yut, Meri na Famili

Pastor Barbara Lunge

Bel sua long taim ol lain i lusim yu

Planti lain i gat bel sua, long wanem papa o mama i bin les long ol o i bin lusim ol i go. Nau ol i save pilim olsem inogat man i laikim ol. Dispela kain pilim em isave stat long taim pikinini i blut nating long bel bilong mama, na istap 9 mun inap em i karim em.

Bekim bilong dispela pasin bilong ol famili ilusim pikinini i kamap wanpela bikpela hevi na bringim kainkain bagarap long sosaiti insait long kantri bilong yumi Papua Niugini.

God i save putim bikpela namba long yumi iwinim olgeta samting em yet i kamapim. God yet i kamapim pikinini insait long laikim bilong em yet olsem na mama na papa husat ikarim ol imas lukautim gut na laikim ol, olsem God yet isave laikim ol. Olsem na long taim ol ikamap long bel bilong mama yet, inap ol i bikpela, yumi mas was gut tru long ol na putim pasin bilong laikim, pasin bilong stap bel isi, pasin bilong wet isi, isi, na olgeta gutpela pasin imas kamap bikpela wantaim ol na bai ol i kamap na lukim tru wanem kain pawa na save ol igat.

God em igat driman na plen long yumi wanwan bai i kamap long dispela graun na em save mekim yangpela man na meri long marit, long ol imas karim pikinini bilong inapim laik na wok bilong em. Tok bilong baibel igivim sampela klia tok long yumi long dispela as tingting.

Buk Song 139:13-17 "Yu bin wokim olgeta hap bilong bodi bilong mi. Yu wokim mi olgeta insait long bel bilong mama. Mi pre long yu, olsem na mi save litimapim nem bilong yu. Olgeta samting yu wokim i narakain na i nam-bawan tru. Mi save gut long dispela samting na mi pilim tru. Taim mi kamap isi isi long ples hait insait long bel bilong mama, yu bin lukim olgeta bun bilong mi i kamap na i pas wantaim. Yu lukim mi taim mama i no karim mi yet. Mi no kamap yet long graun, tasol yu raitim pinis long buk bilong yu, olgeta de yu laik bai mi mas i stap long graun. God, i hat tumas long mi save long olgeta tingting bilong yu. Tingting bilong yu in no liklik, na ino gat rot long mi ken save long en."

Wanwan papamama bai iasua long givim ansa long God long ol i no mekim gut wok bilong ol long lukautim pikinini o nogat.

Olgeta pikinini isave long wanem wok bilong papa na mama insait long laip bilong ol. Taim papa o mama i lusim ol na igo, i gat wanpela samting i lus long laip bilong ol. I gat wok bilong papa tasol bai mekim long helpim pikinini boi long kamap gutpela man long bihain na igat wok bilong mama tasol long helpim pikinini meri long kamap gutpela meri long bihain.

Sapos yu wanpela pikinini ikamap long dispela kain laip we papa o mama i lusim yu, mi laik strongim yu long lusim rong bilong papa na mama bilong yu na bai God imekim gut long yu. Pikinini imas go na toktok gen long papa o mama na bihain God bai mekim ol fri. Em i bikpela wok tasol wantaim God olgeta wok bai inap long kamap.

Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace intenesenal Ministri. P.O. Box 3063. Boroko. NCD. Papua New Guinea. B Mob 67331426 OR 71075829 DG.



Selebretim Mother’s Day

OLGETA yia long Sande namba tu bilong Mun Me, yumi selebretim Intanesenel De bilong Mama o *Mother’s Day*.

Kain kain grup na komyuniti i selebretim long we bilong ol yet.

Mipela long Sen Michael Peris Hanuabada, insait long Pot Mosbi i selebretim wantaim Santu Misa na amamas wantaim spesel keik bilong ol Mama.

Long taim bilong Santu Misa long Baruni, Hanuabada na Bogi, mi bin toktok liklik long wok bilong Mama na givim tok strong long man na pikinini i mas soim rispek i go long Mama.

Planti mama insait long kantri na long wol i wokim bikipela wok. Tasol long wankain taim planti mama tu i karim planti hevi bikos man na pikinini bilong ol i mekim nogut long ol.

Mi bin stori long wanpela ekperiens bilong mi. Tupela de long wanpela wik mi save go lukim ol sik manmeri na lapun insait long wan wan komyuniti. Mipela i prea wantaim na mi givim Santu Komyunio long ol.

Taim mi kamap long wanpela famili, mi bin kirap nogut, bikos Mama i redim ples bilong prea i no long ples mipela i save bung na prea wantaim. Bikos pikinini man bilong em i kros, tok nogut na paitim em.

Olgeta taim mi kam, pikinini bilong em tu i save bung wantaim na prea. Tasol long dispela de, em i no laik joinim mipela bikos em i belhat wantaim mama bilong em. Olsem na mipela yet i prea na givim santu komyunio long mama.

Bihain long pre wantaim mama na narapela pikinini, mi go na sindaun wantaim pikinini man na meri bilong em. Tupela i autim wari bilong tupela bikos ol i tok Mama i no bin sapotim em, Mama i save sapotim narapela pikinini tasol. Taim em i karim bikipela hevi, ol i no sapotim em. Tasol em i save serim wantaim ol wanem samting property papa bilong ol i lusim long em. Planti samting moa em i toktok na em i toktok nogut gen long mama bilong em long pes bilong mi.

Bihain long harim stori bilong em, mi askim em: *“Husat i karim yu?”*

Em i kirap nogut taim mi askim olsem, na bekim: *“Em tasol ya, dispela lapun meri nogut ya i bin karim mi”.*

Mi askim em gen; *“bipo long em i karim yu, yu bin stap we?”*

Em i lap na bekim; *“Pater, yu i no save a? Mi stap long bel bilong em tasol!”*

Na mi tok; *“Tru a? Yu stap insait long bel bilong em a? Em i karim yu bikipela pinis olsem nau a?”.*

Taim mi tok olsem, em i daunim het bilong em. Olsem na mi tok; *“Ating yu lusim tingting olgeta pinis a? Yu tingim mama bilong yu i no laikim yu a? Mi laik askim yu long tingim gen, olsem wanem yu stap insait long bel bilong mama bilong yu. Tingim tu hevi em i bungim long taim em i karim yu. Taim yu liklik bebi yet, em i hat wok tru long lukautim yu. Nau yu tok olsem em i no laikim yu a? Sapos em i no laikim yu, em i kilim yu pinis taim yu stap insait long bel bilong em yet. Sapos em i no laikim yu, em i kilim yu pinis taim yu stap liklik bebi yet. Olsem na noken tingim mama i no laikim yu. Nau yu no amamas long em bikos yu yet i kamapim trabel.”*

Man i daunim het bilong em tasol. Olsem na mi lusim em na mi tok; *“Mi hop yu tingim gen dispela tok mi bin autim nau. Mama bilong yu i laikim yu yet. Pasin bilong yu tasol na tingting bilong yu tasol i tok em i no laikim yu. Tasol laikim bilong emi stap wantaim yu yet”.*

Yu tingim wanem? Mama i laikim yu yet olgeta taim.

Ol yangpela pilgrim long PNG askim long pre wantaim Pop

Pater Giorgio Licini PIME, i raitim

FIFTIN (15) sumatin bilong Di-vain Wod Yunivesiti (DWU) bai gat sans long pre wantaim het-man bilong Katolik Sios long wol, Pop Francis, long mun i kam.

Ol sumatin i putim pinis askim bilong ol long opis bilong mausman bilong Pop long PNG, Apostolik Nunsio.

Ol sumatin i go long Rom olsem ol Pilgrim o ol i go long

prea misin long wanpela wik.

Ol bai lusim PNG long Jun 14 inap long de namba 21 taim ol bai kam bek.

Saplen bilong DWU, Pater Giorgio Licine PIME i tok ol dispela sumatin i skul long Ats, Helt na Bisnis fakalti bai lukluk raun i go long Vatiken Siti long Basilika, musium na ol ples i gat histori long ol, raun lukim ol ples long Rom, Asisi na Nettuni long pre long matmat bilong Maria Goretti husat i petron santu bilong ol yut long PNG na Solomon Ailan.

Pater Giorgio i tok wokabout bilong ol sumatin em i hap bilong Yia bilong Bilip na olsem, ol i putim askim long pre wantaim Pop Francis long misa lotu bilong em long Casa Santa Marta taim ol i stap long Rom.

“Long ol wok redi bung bilong ol, ol sumatin i tok ol i kam long longwe ples na sans bilong ol nau taim ol i stap long hap long pre wantaim Pop bikos ol bai no nap go bek gen (long Rom).

“Inap mipela i pre wantaim Pop Francis?” ol sumatin i askim.

Pater Giorgio i mekim klia long ol olsem em bai hat bikos em i sekim long intanet olsem ol dispela i save go pre wantaim Pop long moning misa lot em ol woklain bilong Vatiken o pipel i save stap long Rom.

“Mipela i hop Pop na ol woklain bilong em bai givim sampela tingting long askim na long longwe ples ol sumatin i kam long en. Na dispela em i sans i save kamap wanpela taim tasol long laip na mipela i mas stap strong wantaim sios,” ol sumatin i tok.

Ol Angliken i tok nogat long vailens

OL ANGLIKEN Sios kleji long Pot Mosbi Daiosis i wok long toktok long pasin bilong paitim na bagarapim meri i wok long go bikipela long PNG sosaiti na kamapim hevi long pipel, ol famili na ol komyuniti.

Stat bilong dispela glasim wok em i stap long Genesis 1:27, “olsem God i bin mekim ol man na em i mekim ol long piksa bilong em. Em i mekim ol man na meri”.

Bisop bilong Pot Mosbi Angliken Daiosis, Peter Ramsden i tok bikipela samting em God i mekim ol man na meri ikwal o long wankain level.

“Dispela i min olsem singaut long olgeta em long luksave long laip we Bikipela i givim long yumi na olsem, yumi mas tok nogat long vailens i kamap long ol kain rot.

Bisop Peter i tok long Exodus 20:13, em i klia gut.

“Noken kilim dai narapela. Em i klia olsem em i rong long rausim laip bilong narapela man, na yumi mas agensim pasin bilong kilim dai narapela, wanem kain rot dispela i kamap long em.

“Wantaim dispela tingting, bai gutpela ol i senisim Soseri Loa.

“Tasol em i no stret long go hetim loa bilong kilim dai long PNG. Tru, mekim save i mas go long man long asua em i wokim long en, tasol kilim dai man i woklim dispela i no ansa.

“Bai yumi bildim sosaiti i gutpela na i gat belisi pasin sapos



TOK NOGAT LONG VAILENS: Ol pater, bisop, bruder na ol wokman bilong Angliken Sios long Pot Mosbi Daiosis i putim han wantaim na tok nogat long vailens. *Poto: Pot Mosbi Angliken Sios opis.*

Stet i wokim vailens. Bai yumi skulim ol yangpela pipel olsem em i rong long kilim narapela taim Stet yet i kilim dai man?

“kapitel panismen o kilim dai man long rong em i wokim i makim Kristen kantri i asua pinis na bai no nap strongim pipel olsem laip i santu. Yumi putim han wantsaim na tok “nogat long vailens” long olgeta eria,” Bisop Peter i tok.

Bisop Peter i tok Jisas i skelim long mandato bilong noken kilim dai man long Matyu 5: 21-22.

“Jisas i no wari tasol long

kilim dai narapela, tasol long taim yumi no kontrolim kros pasin bilong yumi we i mekim yumi i ksamapim vailens.

“Sapos yumi tok nogat long vailens, yumi mas redi long tok yesa long pis o belgut pasin na wokim belisi long pasin bilong luksave long wanpela narapela, ol papamama na ol pikinini, ol yangpela na ol bikipela pipel,” Bisop Peter i tok.

Em i tok i gutpela long wokim pablik protes na sios i sapotim Haus Krai ol meri lon g Mosbi na kantri i bin holim long las wik.

“Mipela i pre long ol Palamen

Memba bilong yumi i ken gat gutpela tingting, tasol salens stret lon g tok nogat long vailens i stap long yumi wanwan insait long famili na komyuniti.

“Singaut em long senisim lewa na tingting bilong yumi, na groa long soim rispek o luksave long wanpela narapela , long ol pikinini mama i no karim yet, ol lain i kisim bagarap long vailens, ol lain i stap wantaim HIV na AIDS, ol yangpela na lapun, ol wanpisin na ol lain i no wanlain bilong yumi bikos yumi olgeta i piksa bilong Bikman.

Sen Peter Sanel selebretim was santu pestode

OL perisina bilong Sen Peter Sanel Peris long Erima, Nesenel Kapitel Distrik i bin makim pestode bilong was santu bilong ol, Santu Peter Sanel, wantaim selebresen long Misa lotu, ol tumbuna danis na singsing we ol wanwan liteji grup i bin kamapim na serim kaikai wantaim.

Peris pris, Pater Marsianus Bei, SVD i bin go pas long misa lotu wantaim helpim bilong Pater Freddy SVD na Pater Lucas.

Long dispela taim tu, peris i bin gat sampela kalabus lain bilon g Bomamna i kam lotu na tu, putim kamap wanpela singsing long ol program i bin kamap bihain long lotu.

Kwaia grup bilong peris i bi go pas long ol singsing taim King

Fisa Liteji komyuniti i bin wokim prosesio long statim lotu na go insait, na Gordons Liteji grup i bin go pas long ofatori prosesio.

Long toktok bilong em, Pater Freddie i bin yusim het tok “long stap olsem Krai na serim Kristen laip stori bilong Santu Peter Sanel.

Liklik histori bilong San tu Peter Sanel em i nambawan matir o santu bilong Pasifik.

Em bin wanpela Maris misinari pater bilong kantri Frans, tasol long yia 1837 taim em i gat 28 krismas tasol, em bin kam olgeta long Futuna, wanpela liklik Ailan long Polinesia.

Pastaim king bilong Futuna, King Niuliki husat i no Kristen yet, i bin welkamim em long kisim lotu i go long hap. Tasol



GO PAS PROSESIO: Ol pater na ol Alta boi na gel i prosesio i go insait long haus lotu long statim misa lotu. *Poto: Sandra Amuru*

taim em i lukim planti pipel i wok long joinim Peter Sanel na kisim baptismo, em i kros.

Na em i salim tambu bilong em, Musumusu long kilim dai Peter Sanel.

Haus sik sip bilong Lake Murray



HAUS SIK SIP: Dispela em nupela haus sik sip, MV Sylvan, bilong Lake Mirray eria, Westen Provins. **Poto: Nicky Bernard**

Nicky Bernard i raitim

PNG Sastenebol Developmen Progreem Ltd i fandim wanpela helt sip we bai raun long ol liklik ples long Lake Murray eria long Westen Provins.

Dispela sip em Sif Eksekyutiv Opisa (CEO) bilong PNGSDP, David Sode, i bin lonsim long ples Maka taim em go raun long hap.

Dispela liklik sip bai pulap long ol marasin na ol wok manmeri bilong helt na bai raun long helpim klostu 18,000 manmeri na pikinini long

21-ples insait Lake Murray eria.

Dispela ol ples lain i nidim tru helt sevis bilong gavman olsem, na PNGSDP i go pas long kamapim dispela projek long helpim olo manmeri na pikinini long hap.

Dispela kago sip PNGSDP i hairim na tanim go kamap olsem haus sik sip, we ol sevis manmeri bilong Callan Sevises bilong Katolik, Oil Search Helt Faundesen na ol gavman helt wok manmeri stap Boboa stesen bai go pas long mekim wok.

Mista Sode i tok Westen Provins

na ol eria olsem Lake Murray i laikim stret helt sevis olsem na PNGSDP i kamapim dispela projek.

“Ol trena na ol save manmeri bilong helt bai mekim wok long sekim ol kain kain sik, namba wan em ol mama na pikinini, we ol mas kisim ol banis sut,” Mista Sode i tok.

Em tok tu olsem ol Callan Sevis em ol save lain bilong ai, na ol tu bai stap long dispela patrol bilong sip long sekim ol ai bilong ol ples lain na ol save lain bilong stretim ai bai kam na raun long stretim ai bi-

long ol ples lain sapos i bagarap.

Mista Sode i tok i gat 6-pela ol liklik klinik long ol liklik ples, tasol ol bin pas long wanem i nogat marasin saplai bilong ol na tu Helt senta long Boboa stesen i nogat rot o trenspot long go sekim ol dispela liklik klinik.

Ol dispela liklik klinik nau wok kirap long stretim i wok go het na bai ol op long sampela mun i kam long helpim ol ples lain gen.

Dispela Haus sik sip, MV Sylvan, bai raun long ol dispela liklik ples long Lake Murray, 4-pela taim long

dispela yia, em tu bai go raun long sampela liklik ples long Midel Flai na Saut Flai long givim helt sevis long ol pipel.

PNGSDP bai helpim ol helt wok manmeri long kisim sampela skul long save long lukautim ol TB lain na we bilong givim marasin na tu we bilong lukautim ol mama taim ol laik karim.

Dispela yia em namba wan taim long PNGSDP i kamapim dispela projek na manimak bilong em i klostu long K1.8 milian wantaim long dispela sip ol hairim.

Lake Murray Skul open gen bihain long 20-yia



AMAMAS LONG SKUL: Ol sumatin i amamas bikos ol i skul na kisim save. **Poto: Nicky Bernard**

Nicky Bernard i raitim

MAKA em wanpela liklik ples long Lake Murray long Westen Provins, na em i gat wanpela skul stap long we ol pikinini bilong ol liklik ples long Lake Murray eria i save kam skul long en.

Dispela skul i bin pas klostu long 20-pela krismas olgeta, na ol pikinini long hap i stap nating, na i no kisim wanpela save long rit na rait.

Maka komyunti skul nau i open gen long dispela yia na moa long 260 sumatin nau i stap na skul wantaim tupela tisa bilong ol.

Dispela skul i gat tupela nupela klasrum na bai kisim gret 3 na 4, na tupela elementri 1 na 2 gat bilong em yet.

Ol tisa tu i kisim nupela haus bilong ol na Seven De Etventis Sios bai go pas long lukautim Maka skul. Dispela Maka praimer skul i kam aninit long Lake Murray Projek we PNGSDP bin putim long namba wan hap projek.

PNGSDP i mekim promis long kamapim dispela skul bek long namba wan raun bilong ol go long Maka ples long 2011 na long dispela yia, kaikai bilong em kamap.

Dispela tu em namba Developmen Hub Projek bilong PNGSDP K6.9 milian bilong ol projek long Lake Murray aninit long Lake Murray Sosio Ikonmik progreem.

Ol i mekim tupela nupela klasrum, stretim gen tupela olupela klas rum, putim wara tenk bai ol skul na ples lain i ken yusim, na tupela nupela tisa haus kamap long mani mak long K500,000.

Planti bilong ol sumatin long hap i abrusin krismas bilong ol long stap long wanwan gret, tasol hevi bilong nogat skul ol tisa i amamas long lainim ol yet long rit na rait.

Ol pipel long Maka na ol ples klostu i tok tenkyu long PNGSDP long kamap bek skul bilong ol na tu harim krai bilong ol.

Bihain taim bilong kantri i stap long klasrum

...PM Gillard amamas long Marianville

Veronica Hatutasi i raitim

BIHAIN taim bilong kantri i stap long ol klasrum tude na ol meri i go insait long ol wok developmen bai strongim gutpela groa bilong kantri, Praim Minista bilong Australia, Julia Gillard i bin tok olsem taim em bin go opim nupela dabel klasrum na haus slip biling blok long Marianville Gels Sekonderi skul ausait long Mosbi, olsem hap long wokabaut bilong em i kam long PNG long Me 9 inap long de namba 11.

“Dispela wokabaut i bilong tingim wokpren we tupela kantri (PNG na Australia) i gat long en, na moa yet, long bihain taim.

“Bihain taim bilong kantri i stap long ol klasrum tude na mi bilip olsem ol meri i go insait long ol wok developmen bai strongim moa yet ol wok.

“Driman bilong mi long PNG na tu long Australia em long seif na ikwal sans long ol man na meri wantaim lon g holim ol lidasip wok long kantri.

“Mi laik strongim yupela olsem tru i gat ol salens, dispela skul i wok long redim yupela gut long bihain taim.

“Mi amamas olsem wanpela meri bilong Mckay (long Kwinnsln, Australia) em Sister Angela Taylor, i stap prinsipel bilong skul (Marianville) moa long 20 krismas na givim gutpela lainim i go long ol yangpela meri, Praim Minista Gillard i amamas long lukluk raun bilong em i go long Marianville na tok long ol skul meri sumatin, ol tisa na pablik i bin stap long hap long dispela taim.



SAINIM: Praim Minista Julia Gillard i sainim Yiabuk bilong Marianville Gels Sekonderi skul taim Prinsipel Sister Angela na wanpela sumatin meri i lukluk i stap. **Poto: Veronica Hatutasi**

Australia) em Sister Angela Taylor, i stap prinsipel bilong skul (Marianville) moa long 20 krismas na givim gutpela lainim i go long ol yangpela meri, Praim Minista Gillard i amamas long lukluk raun bilong em i go long Marianville na tok long ol skul meri sumatin, ol tisa na pablik i bin stap long hap long dispela taim.

Minista bilong Plening na Monitoring, Charles Abel, husat i bin stap tu long wokabaut bilong Mis Gillard i go long

Marianville i bin tok tenkyu long Australia long bikpela helpim em i givim long PNG, stat long taim kantri i bin kisim indipendens na i kam inap nau, na gutpela wok patna namel long ol.

“Wok patnasip namel long tupela kantri na Katolik Sios i ron gut, na tude yumi lukim kaikai i kamap long dispela.

“I tru olsem yumi gat hevi long krait long kantri we yumi mas wokim samting long daunim na etresim.

“Long makim yupela

ol meri sumatin, skul bot na menesmen, tenkyu Praim Minista Gillard na Australia long helpim yupela i save givim long dispela skul,” Mista Abel i bin tok.

Marianville Sekonderi skul bilong ol meri i gat 674 sumatin we 284 em ol boda.

Stat long yia 2001, gavman bilong Australia i wok long givim mani helpim aninit long PNG/Australia Insentiv Fan progreem long bildim ol nupela klasrum, ol haus bilong ol sumatin na tisa long slip, ol edministretiv biling, laibreri, ol teks buk na ol saiens lebaretori.

Taim em i welkamim Mis Gillard, Prinsipel Sister Angela i bin tok i moa gutpela long meri praim minista i go lukluk raun long skul bikos dispela bai givim strong long ol meri long skul na wok ol bai mekim long bihain taim.

Em i tok Sekret Hat kongrikesen bilong ol Sister i bin opim Marianville gels skul long yia 1966 long givim kwaliti fisikel na spiritual edukesen bilong ol yangpela meri na dispela i go het yet tude.

Em i tok helpim we gavman bilong Australia i givim long skul i helpim tru lainim na save bilong ol sumatin meri i bin skul long hap na i skul yet i stap.



TOK PISIN NEWS
from Radio Australia
radioaustralia.net.au

Tok Pisin Service

6am - 7am 6080; 7240(KHz)

7pm - 9pm 5995; 6020; 9710; 1280(KHz)



Harim TOK PISIN long
Radio Australia
101.9FM
Port Moresby



NOGAT MOA: Nathan Ulepich, i sekim ausait long haus bilong en we strongpela tonedo o raunwin i daunim long Mande dispela wik, long Moore, Oklahoma.

Nupela Solomon Ailans musium bilong holim strong kalsa

SOLOMON Ailans Ministri bilong Kalsa na Turisim i tingting long wokim gutpela Musium bilong kantri.

Ministri bilong Kalsa na Turisim long Solomon Ailans i tingting long wokim wanpela nupela museum we em i ken soim ol olpela samting bilong tumbuna.

John Wasi, Solomon Ailans Pemanen Sekreteri bilong ministri bilong kalsa na turisim, i tok ol i laik wokim gutpela museum long kantri bikos em impoten long go wantaim kalsa na turisim wok bilong kantri.

Tu, em i tok long Pasifik rijen, na raun long wol, kalsa em bikpela tumas long laip o sindaun bilong pipel, bikos em i go wantaim tu aidentiti bilong rijen ol i kam long en.

John Wasi i tok em i bikpela samting tu olsem long nupela museum bilong kantri long holim ol historik wok na stori o samt- ing bilong bipo bipo long wanem kain we pipel i bin sindaun na kain olsem long soim histori.

Long las wik, Solomon Ailans Minista bilong Kalsa na Turisim, Samuel Maneoali, i bin tokaut long dispela plen long Intanesenel Musium De.

Pipel i dai long Oklahoma tonedo i go daun

OL imejensi boskru i bin pulim i kamaut moa long 100 pipel i laip yet long ol haus na bilding i pundaun bagarap long strong-

pela tonedo em i bin mekim ron bilong em i go long Oklahoma siti.

Pipel i save stap long sit ii bin kisim sotpela taim, aninit long 20 minit long save na go hait long tonedo em i bin kamapim bikpela bagarap long ol taun na kamapim bagarap long Moore taun.

Namba bilong pipel i dai pinis nau i stap long 24, em i go daun tru bihain long ol namba wan ripot pastaim i putim namba bilong pipel ol i ting i dai pinis i bin stap long 91. Namel long pipel i dai pinis em long sevenpela pikinini, husat i bin dai taim strongpela win bilong tonedo i bin hamarim skul bilong ol na kamapim bagarap.

Ol i bin pulim i kamaut moa long 100 pipel em ol i laip, long pipia bilong ol bilding em wanpela strongpela tonedo long Oklahoma siti i bagarapim na kamapim tu nau ol opisal i katim i go daun tru nau namba bilong pipel i dai long dispela traipela stom.

Pipel i save stap long siti i no bin gat bikpela taim, olsem 20 minit tasol long save na hait long tonedo em i bin karim ol strongpela win em strong bilong en i kamap long 320 kilomita long wanwan awa taim em i hamarim siti long Mande apinun.

Manus i amamas long lukautim narapela kalabus

GAVANA bilong Manus provins long Papua Niugini i tok provins bilong em i amamas long lukautim narapela haus kalabus bilong kantri.

Gavana Charlie Benjamin i mekim dispela toktok bihain long Praim Minista Peter O'Neill i bin tokaut long dispela wik olsem

gavman bai wokim wanpela nupela na strongpela moa haus kalabus.

Mista O'Neill i tok dispela em bilong lukautim ol kalabus lain i wokim ol bikpela rong na i go long kalabus long longpela taim.

Em i tok gavman i tingting long putim ol lain olsem i go long ol longwe hap, long wanem planti taim nau ol kalabus lain i wok long painim isi long brukim ol nomol haus kalabus na i wok long ronawe.

Gavana Benjamin i tok em i wanbel long dispela toktok bilong praim minista.

Em i tok em i bin toktok pinis wantaim ol LLG long Manus, na ol i wanbel tu long dispela tingting bilong gavman i wokim narapela kalabus long provins bilong ol.

Scholar Kakas i wanbel long PNG det penalti

BIKPELA meri bilong Papua Niugini Nesenel Kaunsel bilong ol Meri, Scholar Kakas, i wanbel long det penalti long kantri, sapos em i kamap loa bilong gavman.

Misis Kakas i tok long pastaim em yet i no wanbel long det penalty i kamap long Papua Niugini.

Tasol em i tok em i senisim tingting bilong en long wanem planti ol kainkain pasin nogut olsem reip na kilim dai nating nating i nau wok long kamap long kantri.

Misis Kakas i bin mekim dispela toktok, taim PNG Palamen i rere nau long pusim dispela det penalty bil i go long palamen long paitim toktok long en long dispela wik.

Em i tok det penalty bai mekim pipel rispektim loa na i tingting gut bipo ol i wokim kain pasin bilong kilim narapela nating.

Misis Kakas i tok Papua Niugini i gutpela kantri tru – tasol sampela liklik lain pipel i save bagarapim nogut tru nem bilong kantri long wol long ol kain kain pasin bilong reip na kilim dai nating nating – bai em i gutpela long stopim kain pasin olsem.

Ol meri i no laikim Kasino long PNG

PAPUA Niugini Nesenel Kaunsel ov Wimen i sapotim toktok bilong Praim Minista Peter O'Neill long kasino i noken kamap long kantri.

Scholar Kakas, Papua Niugini Nesenel Kaunsel ov Wimen Presiden i tok ol i sapotim toktok bilong Praim Minista Peter O'Neill olsem gavman bilong en i no laikim Kasino long operet insait long kantri.

Em i tok, kantri gat pinis planti ol kainkain sosol hevi i stap pinis insait long Papua Niugini na ol i no laikim nupela kain hevi gen i go insait na apim mak bilong ol kain kain komyuniti hevi kantri i bungim nau.

Misis Scholar Kakas i tok wari olsem kantri i gat poka masin na hos resis i stap na planti pipel i go lusim mani bilong ol long ol dispela hap na planti hevi i akmap olsem long ol famili.

Em i tok NCW long Papua Niugini i strongim tok lukaut long praim minista long noken larim kasino i go insait long kantri long wok bisnis.

Myanmar presiden i mekim historik wok-about long Wait Haus

PRESIDEN bilong Myanmar, Thein Sein, i mekim wanpela historic wokabout i go long Wait Haus – em namba wan lida bilong Burma long mekim insait long klostu faivpela ten yia.

Amerika Presiden, Barack Obama, i tok lida bilong Myanmar i mekim tok promis pinis long lusim i go fri ol pipel i kalabus long politik bilip bilong ol, na tu, em bai go het long wokim ol senis o rifom long demokrasi pasin.

Em i mekim tok amamas long we Myanmar i bihainim long lusim kain pasin junta o ami gavman i bin bihainim long lukautim kantri long kamapim bagarap na pen o paitim pipel na tok promis bai gavman bilong Amerika i ofa long givim bikpela moa sapot long ol eria long politiks na ekonomi.

Mista Obama i tok bipo wokbung namel long Amerika na Myanmar i bin gutpela na bihain i senis, as long en em long lidasip em Presiden Sein i soim long mekim Myanmar i bihainim rot long kamapim rifom o senis long wok bilong politiks na ekonomi.

US Presiden, planti tok em i kolim nem Myanmar, nem em ami gavman i bin lukautim kantri i bin kolim kantri long en, na nau, ol Amerika gavman opisal i wok long yusim, na i no Burma long soim rispek long gavman em i wok long kamapim ol rifom o senis long kantri.

Mista Obama i tokim tu Thein Sein, ol i mas stopim ol pait agensim ol muslim, em ol trabel i bin kamap na kamapim bikpela hevi i go long Rhine stet.

Em i bin autim bikpela wari bilong em tu long ol pait long ol komyuniti, we ol i bin tagetim ol Muslim long Myanmar.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



WHO nidim resos long daunim sik malaria i kam daun long ziro

WOL Helt Ogenaisesen o WHO tok namba bilong sik malaria long kantri i kam daun tasol i gat bikipela nid long ol risos long pait moa na daunim kam daun olgeta long mak bilong ziro.

Dokta Walter Kazadi husait em saintis na wok long WHO opis long Pot Mosbi, tok opis bilong em i wok hat tru wantaim dipatmen bilong helt long daunim sik malaria na lukim namba bilong sik malaria i wok long kam daun long wanwan yia.

Tasol Dokta Kazadi bin tok Global Fan husat save sapotim dispela progem bai pinis neks yia. Em tok i gat bikipela nid

long ol risos long mekim wok inap long 2015.

Em tok long wanwan yia namba bilong sik malaria long kantri bin stap long 1.7 milien, tasol dispela namba i pundaun kam daun stat long yia 2005.

Malaria keis ol rikodim em namba pundaun long milien kam daun long 93,938 long 2006 na 668 i bin dai long 2007.

Ol i bin rikodim 86,955 na 559 dai na 628 i bin dai na 628 keis ol rikodim 84,452.

Long 2009 malaria keis kam daun long 77,758 na 604 i bin dai na 2010 em 82,956 keis na 616 dai keis long 2011, 431 dai ol i rikodim i daun long 80,928 keis.

Dokta Kazadi tok WHO opis long kantri lukluk long kisim dai keis kam daun long ziro mak long 2015 long bungim Millenium Developmen gol mak bilong gavman we gat tupelo yia tasol stap yet.

Tasol Dokta Kazadi tok em gat bikipela wari stret bilong wanem program bilong Global Fan husat save givim mani halivim bai pinis long neks yia na tok i gat bikipela nid bilong mani na tu ol arapela risos long daunim dispela sik malaria.

Em tok WHO na helt dipatmen wok hat tasol nogat klia ripot long toksave sapos ol i stap long gutpela mak long bungim MDG long 2015.

Dokta Karazi tok ol nogat gutpela stetistiks o rekod long bungim 2015 mak tasol em tok malaria keis kam daun stap na tu ol nidim bikipela resos long daunim malaria kam long ziro mak.

Wanpela gutpela rot nau dipatmen bilong helt nau mekim em wok long saplaim trited moskito net long ol manmeri long slip ananit long abrusim natnat we i save karim binatang bilong malaria.

Helt dipatmen nau wok long salim bikipela toksave long wanwan haus long slip aninit long moskito net na tu mas go kwiktaim long ol haus sik na kisim marasin taim wanpela i gat sain bilong sik malaria.



KOMENTRI

Yu haitim wanem?

SAPOS yu no mekim wanpela rong, yu bai no inap hatwok long haitim ol wok bilong yu. Laka?

Olgeta samting bilong yu bai stap ples klia, na pipel bai lukim yu wanem kain man tru.

Na sapos yu hatwok tru long banisim ol wok bisnis bilong yu, em nau, bai ol i lukluk long yu na tok, man ya i haitim wanpela samting stap.

Dispela sindaun bilong palamen i lukim nupela seksek long palamen long maus bilong Oposisen Lida Belden Namah yet.

Las wik yet, em i kirapim das wantaim ol askim bilong en long K71.8 milian gavman i peim i go long ol loya bisnis, na moa yet long wanpela loya man, husat, oposisen i tok em i wokim paul pasin na kisim.

Dispela ol askim, em Oposisen i kisim i go long FM100 Tokbek So long Trinde, na ol i no wari long ol memba bilong en i wok long lus i go long ol Gavman Bens.

Sedo Atoni Jeneral, Dokta Allan Marat i mekim dispela askim, long Paul Paraka, man Namah i tok i kisim nating mani bilong gavman.

Dokta Marat i tok, sapos dispela man i nogat wanpela asua, em i mas kamap ples klia na kliarim nem bilong en. Watpo na em i wok long pasim rot long pablik na midia long glasim ol bikipela samting olsem fainens inkwairi ripot.

Sapos i gat samting i klia long dispela ol tok-pait i go kam namel long ol lida bilong yumi, em i dispela: i gat stori i stap, we wanpela man i no laikim kantri long save long en. Olsem na em i sanapim banis raunim.

Praim Minista O'Neill i tok pinis olsem wok painim i mas go het long glasim ol dispela samting i kamaut long fainens na tresari opis bilong yumi.

Nau Minista James Marape i tokaut pinis olsem em i bin sanapim wanpela tambu long peim ol loya man long mani bilong gavman, tasol ol lain long fainens i go het tasol na peim dispela mani.

Na laspela samting i klia: Kain man olsem Oposisen lida bilong yumi, bai go het na opim maus long ol samting em i ting i no stret.

Mipela ol pipel i laik save watpo na mipela i no inap long lukim wanem samting i stap insait long fainens inkwairi ripot, na mipela laik save, husat tru i wok long sainim ol sek na givim tok orait long paul pasin i go het long mani bilong mipela.

Tokaut, tok stret, na mekim samting stret.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia. 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

WOLNIUS LONG POTO...



1. Tim Australia i selebret bihain long ol i winim namba wan so long Chelsea Flawa So i kamap long London.

2 Ol paia paitman i brukim simen long painim ol manmeri i pas aninit long ol bikpela ston na pipia.



3. Bilakpela smuk i kamaut long ol windua bi-long wanpela opis bilding long Pitt Strit, Sydney, bihain long moa long 1000 pipel i ronawe long dispela opis bilding. Paia i kirap long wanpela pizza haus kaikai long graun floa.

4. Ol kar ol i makim wantaim wanpela orens 'X', i makim olsem ol i sekim ol pinis long painim ol manmeri i pas insait long ol bikpela bagarap long fran bilong Moore Medikal Senta long Oklahoma.

5. Ol pipel i lukluk painim ol samting bilong ol long ol haus i bruk daun pinis.



6. Ol reskiu wokman i halivim wanpela meri. Wanpela long 15 manmeri i bin pas insait long wanpela medikal bilding long Moore haus sik.

7. Wanpela flag bilong America silip sore long ples i bagarap long Oklahoma long America.

Guhu asples em bus maunten bilong Rai Kos

Mathew Yakai i raitim

ATING olgeta hap long Rai Kos insait long Madang yu go bai ol i kolim ol bus lain. Dispela em wankain toktok yu bai harim taim yu ron i go long Gali, las ples bilong Madang, Malalamai, Saidor, Basamuk na hap bilong Marakum – olgeta insait long Rai Kos distrik.

Bikpela as tingting ol i kolim ol yet buslain em bilong wanem, gavman sevis i no save go long hap. Nogat rot bilong kar. Haus sik na skul i no gutpela na ol pipel i stap long tudak.

Guhu asples insait long wod 3 long Rai Kos em wanpela bilong ol dispela bus ples.

Yu laik go long dispela ples bai yu katim solwara i go kamap long hap eria bilong Rai Kos Hai Skul na katim maunten igo insait – wokabaut mak long 15-pela awa long kamap long hap. Nogat rot bilong kar. Guhu ples balus we ol liklik balus bilong SIL save pundaun i bus karamapim pinis. i gat wanpela liklik haus sik na Mebu Praimeri skul tasol.

Guhu em hailans bilong Raikos na ol i save planim ol kumu olsem kapis, brokoli, poteto na ol gutpela vegetebol. Kopi tu save groa long hap. Bikos long sait bilong nogat rot, ol manmeri i painim hat stret long salim.

Ol i laik kam long Madang taun bai ol i wokabaut 15-pela awa kam kamap long nambis na kisim dingi peim K50 i go long Madang taun. Taim solwara i bagarap, ol tu save bagarap.

Wanpela yangpela man, Christopher Simon bilong Guhu asples i mekim dispela sori stori bilong em wantaim bikpela wari na bel hevi.

“Papa na mama bilong mi em ol asples lain. Ples bilong mi em bus ples, nogat gavman sevis na mipela save kisim bikpela taim stret,” Christopher i tok.

Christopher i bin mekim praimer skul long Mebu Primeri tasol nogat wei long peim skul fi na em i lusim ples na go long Lae na stap wantaim bikpela sista bilong em we em pinisim Menyamyai Hai Skul long 2003. Bihain em go skul long Finsafen Vokesenel na stadi long Turusim na Hospitaliti.

Wantaim pepa bilong em, boi ya i wokim prektikal wantaim Lae Inter long 2-pela mun long

2006 na bihain i painim wanpela wok wantaim NCS Raibus long Basamuk long yia 2008. Displa kampani save kukim kaikai bilong ol wok man bilong Ramu NiCo Projek.

Christopher i lusim NCS Raibus na painim wok wantaim Ramu NiCo long Basamuk Rifaineri we nau em i wok wantaim Counter Current Decantation Depatmen we ol i save mekim nikel na kobalt (MHP) na putim i go insait long ol bikpela bek bilong salim i go ovasis.

Boi ya i wok long hap we ol nikel i save ron long konveya belt i kam na go insait long ol bikpela wan ton bek na em i save sanap na was tasol long ol i mas ron gut.

“Tru tumas, sapos dispela Ramu NiCo kampani em bilong ol wait-man bai ol i nonap kisim mipela ol asples man bikos mipela nogat wanpela save stret.”

em, Guhu na ol narapela tu i painim wok long Basamuk Rifaineri bilong Ramu NiCo na planti bilong ol i nogat wanpela skul na pepa tasol nau ol i gat sans long wok na kisim pei na tu lainim planti samting.

“Mi save tokim ol manki asples. Taim bilong wok mani em bihain. Nau em taim bilong lainim nupela samting na kisim eksperiens, na taim kisim gutpela referens bai mipela i ken painim narapela wok,” em i tok.

Christopher i tok planti manki long asples i save komplem long pei na kain pasin bilong ol brata bilong yumi long China tasol sapos ol i fit na gat save olrait ol i mas lusim Ramu NiCo na painim wok long narapela hap. Nogat em ol kusai tasol i stap.

Christopher em i tok stret olsem em i laki tru long wok wantaim Ramu NiCo we em i lainim planti nupela save long teknologi, pasin bilong wok wantaim ol China na ol man-



Christopher i sanap long wok ples bilong em long Ramu NiCo.

hat na lainim moa save,” em i tok.

Wantaim gutpela pasin bilong

mi long wok hat stret,” Christopher i toktok.

Christopher em marit long wanpla yangpela asples meri long Basamuk na tupela i gat tupela pikinini. Meri bilong em i work wantaim NCS Raibus we ol i save kukim kaikai bilong ol wok manmeri bilong Ramu NiCo. Wantaim liklik pei tupela i kisim, Christopher i baim wanpela liklik blok arere long Nambis bilong Raikos long wokim haus na liklik stoa bilong salim kaikai.

“Mi lukluk bek long taim bipo na mi sori tru bilong wanem nogat wanpela gavaman sevis i bin kam long ples, Mipela save kisim sip Siroi or Kubo na go long Madang. Dispela em hat laip stret,” Christopher i toktok.

“Tude mi mas tok tru olsem papa God i sevim mipela ol pipel bilong Raikos na kisim Ramu NiCo i kam long kamapim dispela Rifaineri na wok.”

“Sapos em kampani bilong ol wait man bai ol i lukim pepa na save bilong ol man. Ol China i no wari long save tasol ol i kisim mipela, trenim mipela na tude mi kisim pei na mi gat mani. Mi lainim planti samting tu,” Christopher i tok.

Christopher i salensim ol yangpela wokman meri bilong Rai Kos husait i wok long Ramu NiCo long noken tingting long wok na kisim mani tasol. Ol mas wok na traim long lainim nupla samting tu we bihain ol i ken gat gutpela save na eksperiens na painim wok long narapela kampani.



Christopher wantaim wanwok bilong em i wok hat stret.

Ol Saina i kisim mipela, maski mipela i nogat save tasol ol i no wari. Ol kisim mipela, lainim mipela long wok na olgeta samting em rait olgeta,” Christopher i tok.

Christopher i tok planti ol lokel manki bilong asples bilong

meri bilong narapela kantri, silip na kaikai long gutpela haus na mes na kisim pei.

“Mi save hethet laiklong lainim planti samting bilong wanem em sans ya. Ples bilong mi Rai Kos em i bus ples na taim sans i stap, mi mas wok

em long wok hat, Ramu NiCo long dispela yia i bin luksave na givim wanpela award setifiket wantaim mani prais mak long K500.

“Mi wok long nait stap na taim bos bilong mi toktok, man mi guria stret ya. Dispela i mekim

Raun lukim Napanapa Wel Rifaineri

Veronica Hatutasi i raitim

NAPANAPA IntaOil Wel (Oil) Rifaineri (NIR) ausait long Pot Mosbi i wanpela rifaineri tasol insait long Papua Niugini (PNG) we i kamapim ol wel, karasin, petrol na ol narapela wel prodak bilong yusim long kantri yet, na salim i go ovasis.

Liklik histori bilong IntaOil em papa bilong NIR, ol bin baim kampani long Chevron Alaska we i bin kirapim dispela kampani long PNG long 1994.

Ol bin kirapim wok long NIR long 2004, na e m i ron nau long namba 9 yia bilong em.

Long las wik Fraide, Minista bilong Envaironmen na Konsevesen, John Pundari na ol sinia opisa long ministri bilong em i bin kisim ol nius manmeri long lukim rifaineri na rot we ol i menesim ol pipia na envaironmen long hap.

Em bin amamas long wok we NIR i mekim long tritim wara na menesim ol pipia bilong em.

Stat long 1 kilok apinun inap long 4 kilok apinun, menesmen bilong NIR i bin kisim Minista na delegesen bilong em na midia long raun i go lukim ol wok operesen i sut long wara, pipia na envaironmen menesmen rifaineri i kisim long wok bilong en.

Ol ples we delegesen i bin raun lukim em long Kem Trening Senta we ol bikman bilong NIR i bin tok welkam long Minista Pundari na lain bilong em na midia.

Ol sinia opisa bilong NIR long ol wan wan seksen bilong wara, pipia na envaironmen menesmen, na operesen bilong rifaineri i bin wokim sampela toktok long mekim klia long minista na lain delegesen bilong em, ansaim sampela kwesten we minista, lain bilong em na midia i gat long en.

Long dispela namba wan hap bilong bung, delegesen i bin kisim ol toktok long rifaineri operesen, delegesen i bin harim ol bikpela samting long operesen bilong rifaineri, liklik histori bilong em na we em i stap nau long en.

NIR i save kamapim samting olsem 36,000 barel wel insait long wanpela de.

Ol prodak we dispela rifaineri i kamapim insait long 9-pela yia nau em long piul ges, likwifaid petroleum ges, kerosin, eviesen piul ges bilong salim insait long kantri.

Long hap bilong NIR, i gat ol bikpela bikpela tenk i sanap is tap we ol ol save storim ol wan wan kain piul prodak long en.

I gat bris bilong rifaineri yet we ol sip bilong ol i save kam long en.

IntaOil i gat 126 woklain. Long dispela, 40 pesen em ol lain bilong narapela kantri na 76 pesen i bilong PNG. Ol i save wok long 12 awa sif.

Bihain long dispela, ol bin kisim delegesen i go raun lukim ol eria we i lukautim hap bilong envaironmen seif wara na weis (pipia) menesmen we wanwan lain i bos long seksen i mekim klia long minista na delegesen rot we ol i save tritim wara, menesim ol solid na likwid (wara) pipia long en.

Grup i bin raun lukim ol masin na rot ol i wok long en long lukim olsem rifaineri i menesim gut wara



MIDIA BUNG: Maining na Konsevesen Minista, John Pundari, (namel), IntaOil Koporet Eksekyutiv Vais Presiden, Christian Vinson, (long hankais) na ol sinia opisa bilong ministri na NIR i sanap i stap taim Minista i holim pres konprens wantaim ol nius manmeri. **Poto: Veronica Hatutasi**



PRESEN: Minista Pundari i kisim presen long frem poto bilong NIR long IntaOil Koporet Eksekyutiv Vais Presiden, Christian Vinson, long pinis bilong lukluk raun long Napanapa Wel Rifaineri ausait long Mosbi siti.

Poto: Veronica Hatutasi



KONTROL RUM: Bikman long Kontrol Rum i mekim klia ol wok bilong dispela enjin rum we i save kontrolim olgeta wok operesen long rifaineri.

Poto: Veronica Hatutasi

na pipia long ol eria olsem rikleim na boa na weahaus, eksplorasen eria, rifaineri proses eria, kontrol rum em enjin rum, na las em long leboetori.

IntaOil Koporet Eksekyutiv Vais Presiden, Christian Vinson, tupela opisa i wok long Envaironmen sait em long Nerius Kua na Turon Neofa i bin kisim Minista Pundari na delegesen long dispela raun na ol i wok long mekim klia ol samting long grip.

Sampela long ol bikpela toktok we ol NIR sinia opisa bin mekim em, kampani i luksave olsem ol i gat wok long lukautim envaironmen.

Na long olgeta yia, ol save glasim na monitaim program.

Tu, wanpela bikpela envaironmen monitoring kampani ol i kolim long KBC i wok wantaim ol long lukautim dispela eria. Long yia 2010, KBC i bin karimaut wanpela wok painim bilong lukim olsem NIR i bihainim gutpela pipia na wara menesmen long wok bilong en.

Ol opisa it ok menesmen bilong pipia em bikpela fokus o eria we ol i putim bikpela lukluk bilong ol long en.

Ol bin tok long tritim ol pipia wara na ol solid pipia, ol i wok wantaim Nesenel Kapitel Distrik long rausim ol dispela.

Ol i tok menesmen bilong pipia long NIR em i stap long wankain level bilong Wol Benk Stendet. Na

rifaineri i yusim "latest technology" o ol nupela masin na teknoloji long tritim wara na ol pipia bilong em.

NIR i gat seksen na ol woklain i stap redi sapos wel (oil) i kapsait wantaim ol masin samting.

Grup i bin harim tu olsem i gat 150 mita IntaOil Eksklusiv Zon we i mas stap klia long ol papagraun i no painim pis samting, na long ol narapela moa.

Sentrel kontrol rum em olsem enjin rum we i kontrolim olgeta samting i kamap tu long ausait na ol operesen.

Bihain long laspela raun i go long Leboetori rum, Minista Pundari i bin holim wanpela bung wantaim midia o ol niuslain husat i bin go wantaim em long dispela wokabaut na autim tok amamas bilong em long gutpela pipia na wara menesmen NIR i bihainim long wok bilong em.

"Mi amamas long namba wan lukluk raun bilong mi olsem Envaironmen na Konsevesen Minista i kam long NIR.

Envaironmen i karamapim busgraun, air, solwara na ol samting i stap insait long en i bikpela samting bikos ol i laipblut i sapotim laip na pipia.

"Yumi mas lukautim envaironmen bikos ol samting i stap insait long en em pipia i kisim kaikai na laip long en. Yumi mas lukautim na ol pikinini na bubu i kam bihain i lukim, yusim na kisim ol gutpela samting long en.

"Yumi yusim envaironmen long gutpela bilong yumi olgeta, tasol yumi mas yusim na lukautim gut.

"Ol risos kampani i mas yusim gutpela menesmen long lukautim na menesim envaironmen long rot we samting ol i tromoim bek long wara p solwara i no kamapim bagarap long ol samting insait long en.

"Mi amamas olsem wara tritmen plent hia long NIR i stap long wankain level bilong wol bes prektis stendet. Dispela i lukim olsem wanem samting NIR i tromoim bek long solwara i "seif na bai no kamapim bagarap prektis"dispela risos developmen kampani i mekim.

"Kampani bai yusim insenereta (masin bilong kukim pipia) long ol solit na wara pipia em i gutpela rot long go fowet we i givim bilip olsem dispela kampanibai lukau-

tim gut envaironmen long nau na long bihain taim.

"Em i bikpela samting long ol ausait lain na pipel bilong dispela kantri long lukautim gut envaironmen, busgraun, ea, solwara, na ol samting insait na aninit long ol.

"Bildim insenereta i wanklain olsem bildim pipia teilings dem.

"Wantaim ol nupela masin na teknoloji, mipela i laikim bai ol PNG pipel i kisim gutpela trening na ol bai gat gutpela save long karimaut ol wok long ol bikpela risos projek olsem. Na wantaim brikdaun olsem 68 pesen PNG woklain na 32 pesen bilong ol narapela kantri long NIR, dispela i gutpela, " Minista Pundari i bin tok.

Deputi Sekreteri long Proteksan Wing wantaim Envaironmen na Konsevesen, Michael Wau, it ok ol i kamapim wanpela divisen bilong em yet long glasim na monitaim ol wan wan risos sekta eria olsem maining, wel (oil) na timba bisnis.

Em bin tok kampani no save kisim inap mani long karimaut ol wok, tasol O'Neill na Dion gavman i givim ol gutpela mani nau long karimaut wok bilong ol long lukautim envaironmen na ol lain i kam bihain i ken kisim gutpela samting long en.

Bihain long lukluk raun insait long rifaineri, em i amamas long wok we NIR i mekim long sait bilong menesim pipia bilong em.

"Mi amamas wantaim NIR i wok bung gut wantaim gavman bilong PNG.

"Olgeta samting is tap long ples klia (transparent) na kampani i gat gutpela o bes menesmen wok prektis. Yumi mekim stretpela samting long serim infomesen, no wokim hait tasol ol samting i stap long ples klia na givim ol ripot long ol wok kamap.

"Kampani i givim pinis sabmisen o askim i kam long dipatmen long nupela insenereta masin na dipatmen i wok long glasim dispela. Taim em i glasim na skelim olgeta samting, em bai givim tok orait na kampani bai sanapim long NapaNapa na yusim," Mista Wau i tok.

Kampani i baim insenereta masin long Yunaitet Kingdom (UK) we ol i gat ol strongpela na gutpela envaironmen prektis na wol klas stendet.

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karen Afecas
8PM Helt
8.15PM Musik
8.30PM NIUS
8.40PM Spots Riplei
8.53PM Musik
9PM Stesen Pas

TUNDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE - Morning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afecas
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Radio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru ...



Gau Aisi inapim planti ben

Nicky Bernard i raitim

GAU Aisi em bilong bikipela ples long Hanuabada. Em na ol brata bilong em olgeta em musik lain tasol na planti bilong ol i pilai long ol bikipela ben long Mosbi, na tu, katim sampela keset bilong ol pinis.

Gau em man bilong pilai dram na singsing wantaim, sampela taim em save pilai gita sapos nogat gita man bilong ben i kamap.

Long 1979 i kam long 1982 Gau pilai wantaim wampela biknem ben ol kolim long 'Undecided Ben,' dispela taim ol ben musik man bilong Mosbi olsem, Willie David long lid gita, Regly Tokana save singsing, Peter Kailap long bass gita, Jerry David long ridom gita na Buruka Tau long kibod. Michael Koisen kam insait na singsing taim Regly Tokana fran man bilong 'Undecided Ben' i lusim ol 1982.

Gau Aisi yet i pilai wantaim ol inap long 1986 em lusim ol na go joinim ol bikipela bilong em long Gwadu ben. Em pilai wantaim Gwadu inap long Oktoba 1988 na em lusim ol Gwadu na go pilai wantaim wampela biknem ben gen bilong Mosbi ol kolim long Clockwork Orange wantaim leit Jack Clunn husat save singsing long ben.

Sampela bilong Undecided ben tu bin kam joinim Clockwork Orange olsem Willie David long gita, leit Steven Oala, bes gita na Gau yet long

drams.

Em pilai wantaim ol Clockwork Orange i kam inap long 2002 ol pinisim dispela ben, na ol senisim go long Freelances ben, na sampela nupela musik man kam joinim olsem Hera Morea, Gary Jack na solo atis singsing man Martin Rawalii na Terence Parascos.

Gau Aisi yet nau go pas long lukautim Freelances ben na ol save pilai long Junction long Holiday Inn na sampela taim long Lamana.

EMTV Television Guide

<u>FONDE ME 23, 2013</u>		<u>KITCHEN WHIZ</u>		<u>SARARE ME 25, 2013</u>		<u>ROOSTERS vs. STORM</u>	
	5:00 PM G	5:30 PM G	9:50am	Grade 7 Science		10:30 PM G	<u>EMTV NEWS REPLAY</u>
	5:30 PM G	6:00 PM G	10:40am	Grade 8 Mathematics		followed by the Australia Network.	
	6:00 PM G	7:00 PM G	11:20am	Grade 8 Science	4:57 AM G	<u>AUSTRALIA NETWORK</u>	
4:57 AM G	<u>AUSTRALIA NETWORK</u>	8:00 PM G	1:00pm	Grade 6 Mathematics	6:30 AM G	<u>EMTV NEWS REPLAY</u>	
5:00 AM G	<u>JOYCE MEYER</u>	9:00 PM G	1:50pm	Grade 6 Science	7:30 AM G	<u>ULTIMATE GUINNESS WORLD</u>	
5:30 AM G	<u>EMTV NEWS REPLAY</u>	9:08 PM G	2:30pm	DEPI Program		<u>RECORD #11</u>	
6:00 AM G	<u>TODAY</u>	9:30 PM G	3:30 PM G	<u>KIDS KONA</u>	8:00 AM G	<u>YOGA SUTRA EP# 10Rpt.</u>	
09:00 AM	<u>CLASSROOM BROADCAST</u>	10:00 PM G	3:30 PM	GO DIEGO GO	8:30 AM G	<u>K-WAVE EXTRA EP#3/10</u>	
9:00am	Grade 7 Mathematics	11:30 PM G	4:00PM	LOCKIE LEONARD	9:00 AM G	<u>TOTALLY SPIES Ep#3rpt</u>	
9:50am	Grade 7 Science	followed by the Australia Network.		4:30 PM G	9:30 AM G	<u>DANI'S HOUSE... Ep#3rpt</u>	
10:40am	Grade 8 Mathematics				10:00 AM G	<u>SKILLICIOUS ... Ep#3rpt</u>	
11:20am	Grade 8 Science			5:30 PM G	10:30 AM G	<u>TRAPPED – Ep#3rpt</u>	
1:00pm	Grade 6 Mathematics			7:00 PM G	11:00 AM G	<u>LAST MAN STANDING ...</u>	
1:50pm	Grade 6 Science			7:30 PM G		<u>Ep#3rpt</u>	
2:30pm	DEPI Program				11:30 AM G	<u>AUSTRALIA NETWORK</u>	
3:30 PM G	<u>KIDS KONA</u>			9:30 PM G	5:30 PM G	<u>OLSEMWANEM Ep#19</u>	
3:30 PM	GO DIEGO GO				6:00 PM G	<u>EMTV NATIONAL NEWS</u>	
4:00PM	LOCKIE LEONARD			11:30 PM G	6:30 PM G	<u>NRL ROUND 11</u>	
4:30PM	MORTIFIED			followed by the Australia Network		<u>DRAGONS vs. PANTHERS</u>	
					8:30 PM G	<u>NRL ROUND 11</u>	
						<u>AROUND THE WORLD IN 85</u>	

TORO**BIABIA**

KANAGE



TOKWIN

Haus krai bilong ol
mama, man i paitim
meri bilong em...

Long Tabubil bikipela haus krai bi-
long ol mama i kamap. Kainkain
pilai drama i kamap, planti ol tok-
tok i kamap na polis tu i go sin-
daun wantaim ol mama long
dispela haus krai..Nau long apinun
ol mekim mas long rot bilong
Tabubil na olgeta i bihainim dis-
pela mas. Taim ol i pinis, wanpela
bikman i jeles long meri bilong em
long dispela de na paitim em long
ai bilong ol polis na manmeri long
dispela bikipela bung long Vailen
egens ol meri na pasin bilong
paitim na kilim dai meri..man yah
bilong Enga na em i go pas to long

dispela bung..Em i go kot na kot i mekim save long em. Majistret i tok, long moning yu go pas gut tru long Haus krai bilong ol meri na singaut strong long noken paitim meri na bagarapim ol!..tasol long apinun nau yu tanim bek long meri bilong yu na paitim em long ai bilong ol polisman na meri bikos yu jeles long meri bilong yu.. Yu go kalabus long 12pela mun na tingim wanem samt-ing yu mekim long dispela bikipela de!! Hahaha! Long English i tok, NEVER LEARN!!

Ten-pela de go pinis
na nogat sain yet

Long Tunde wik go pinis benk roba
William Kapris na narapela tupela
strongpela raskol man i ron we long
haus kalabus long Bomana insait

long Pot Mosbi. Wanpela bilong ol
polis na ol woda man sutim i dai
pinis long tupela o tripela de bihain
long ol i ronawe.

William na narapela wantok bilong em i hat yet long sampela hap insait long Mosbi o Sentral Provins, na dispela em bai namba 10 o 11 de dispela tupela man ol polis, woda na ami i no painim ol yet. Dispela i luk olsem ronawe bilong ol dispela tripela man ol plenim wantaim ol autsait man na ol wetim ol na haitim ol, o noagt William Kapris mas yusim ol mani na pasim maus bilong planti manmeri long tokaut long wanem hap em stap long en. Yu ting olsem wanem em trupela toktok o giaman, yu yet skelim em tokwin tasol.

Tokwin Tasol...

M	A	N	U	S	N	A	L	I	A	H	N	E	T	S	E	W
Y	A	M	V	K	S	I	N	O	L	A	R	T	E	K	E	D
E	A	D	E	A	B	M	E	L	A	R	T	N	E	B	P	C
S	A	E	A	E	I	S	S	E	P	I	K	F	T	A	O	N
N	S	B	V	N	C	L	Q	I	R	N	E	Y	I	K	E	S
U	N	O	W	R	B	I	A	R	W	F	N	I	G	C	L	S
B	J	R	Q	T	S	U	F	N	H	I	F	A	T	Y	I	N
R	B	O	S	E	N	V	I	L	C	O	H	S	I	D	B	A
I	C	M	S	U	B	R	W	E	T	K	N	E	M	N	Y	L
T	E	C	D	I	S	I	M	B	U	L	B	Z	R	U	P	I
E	N	G	A	G	P	E	Z	E	S	N	P	V	E	A	C	A
N	T	A	E	L	U	W	S	W	E	H	I	P	D	D	O	H
S	W	R	P	E	I	D	A	L	Y	V	G	L	F	N	U	N
W	E	S	N	U	B	R	I	T	E	N	I	A	P	A	N	E
R	E	I	V	X	N	M	C	F	O	I	M	G	P	S	B	T
T	N	M	S	W	A	I	O	B	N	C	V	F	P	T	C	S
S	A	U	T	E	N	H	A	I	L	A	N	S	O	R	O	I

Palaim ol dipela provins bilong yumi:

MBANUS	NU AILAN
IS NU BRITEN	WES NU BRITEN
BOGENVIL	MOROE
MILIN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SAUTEN HAILANS

3		6	4		2			5
				3			1	6
		9		5	7			4
9		2			6	7	5	
8	7						6	9
	6	3	9			4		8
4			5	6		3		
6	9			2				
5			7		8	6		2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

A	I	R	N	I	U	G	I	N	I			K	A	G	O	A
P	S		S	I	A	L	E	T							R	I
L		E											A			L
E	A		K							K		N			S	I
S		I		I							O				U	N
B		P		N						I		P			T	E
A	I			J					T				I		K	S
L	T			A				A		I					E	P
U	I				K	N					K				S	N
S	R				S	E					T	E				G
	U			D			T				E		T			
	Y			N							K					
T	K		A								S	I	A			
I	E	L			P	A	I	L	O	T	I					M
	S											B	A	L	U	S
I			J	I	U	S		E	A	H	O	S	T	E	S	F

**Ansa
bilang
las wik
Pasol**

EMTV Television Guide

6:30 PM G	<u>LOVE PATROL S5 EP#7/10</u>	11:20am	Grade 8 Science	<u>TUNDE ME 21, 2013</u>	6:30 PM G	<u>DANI'S HOUSE - EP#3</u>	2:30pm	DEPI Program		
7:00 PM G	<u>TOKPIKSA EP#19</u>	1:00pm	Grade 6 Mathematics		6:00 PM G	<u>EMTV NATIONAL NEWS</u>	3:30 PM G	<u>KIDS KONA</u>		
7:30 PM G	<u>60 MINUTES — EP#14</u>	1:50pm	Grade 6 Science		7:00 PM G	<u>HAUS& HOME</u>	3:30 PM	GO DIEGO GO		
8:30 PM MAO	<u>MURDER AT 1600</u>	2:30pm	DEPI Program	4:57 AM G	<u>AUSTRALIA NETWORK</u>	8:00 PM G	<u>BUSINESS PNG — Ep#18</u>	4:00PM	LOCKIE LEONARD	
10:30 PM G	<u>HILLSONG Rpt....</u>	3:30 PM G	<u>KIDS KONA</u>	5:00 AM G	<u>JOYCE MEYER</u>	8:30 PM PGR	<u>NIKITA S1/EP# 19</u>	4:30PM	MORTIFIED	
11:00 PM G	<u>NATIONAL EMTV NEWS — Replay</u>	3:30 PM	GO DIEGO GO	5:30 AM G	<u>EMTV NEWS REPLAY</u>	9:30 PM G	<u>EMTV NEWS REPLAY</u>	5:00 PM G	<u>TRICKY TV</u>	
12:00 PM G	<u>AUSTRALIA NETWORK</u>	4:00PM	LOCKIE LEONARD	6:30 AM G	<u>TODAY</u>	followed by the Australia Network.			5:57 PM G	<u>CRIME STOPPERS</u>
		4:30PM	MORTIFIED	9:00 AM	<u>CLASSROOM BROADCAST</u>			6:00 PM G	<u>EMTV NATIONAL NEWS</u>	
		5:00 PM G	<u>KITCHEN WHIZ</u>	9:00am	Grade 7 Mathematics		<u>TRINDE ME 22, 2013</u>	7:00 PM G	<u>FACT FILES_BUSH PILOTS EP#7</u>	
		5:30 PM G	<u>TOTALLY SPIES EP#3</u>	9:50am	Grade 7 Science	4:57 AM G	<u>AUSTRALIA NETWORK</u>	8:00 PM G	<u>TOKPIKSA Ep#18 — Repeat.....</u>	
		5:57 PM G	<u>CRIME STOPPERS</u>	10:40am	Grade 8 Mathematics	5:00 AM G	<u>JOYCE MEYER</u>	A repeat of the Sunday's TokPiksa Program.		
		6:00 PM G	<u>EMTV NATIONAL NEWS</u>	11:20am	Grade 8 Science	5:30 AM G	<u>EMTV NEWS REPLAY</u>	8:30 PM PGR	<u>THE MENTALIST — S1 EP#19/23</u>	
		7:00 PM G	<u>NRL ROUND 10</u>	1:00pm	Grade 6 Mathematics	6:00 AM G	<u>TODAY</u>	9:30 PM G	<u>EMTV NEWS REPLAY</u>	
			STORM vs. SEA EAGLES	1:50pm	Grade 6 Science		<u>CLASSROOM BROADCAST</u>	followed by the Australia Network.		
		9:00 PM G	<u>COCA-COLA SPORTS SCENE</u>	2:30pm	DEPI Program	09:00 AM	Grade 7 Mathematics			
		9:30 PM PGR	<u>THE VOICE SEASON 2 EP#20</u>	3:30 PM G	<u>KIDS KONA</u>	9:00am	Grade 7 Science			
		11:30 PM G	<u>EMTV NEWS REPLAY</u>	3:30 PM	GO DIEGO GO	9:50am	Grade 7 Science			
		followed by the Australia Network.		4:00PM	LOCKIE LEONARD	10:40am	Grade 8 Mathematics			
				4:30PM	MORTIFIED	11:20am	Grade 8 Science			
				5:00 PM G	<u>KITCHEN WHIZ</u>	1:00pm	Grade 6 Mathematics			
						1:50nm	Grade 6 Science			

OI Proqram na Kilok i ken senis oltaim...

Ol Program na Kilok i ken senis oltaim...



NEM: Joshua Malken
KRISMAS: 30 (Man)
ADRES: PO. Box 4132, Destiny F/Ship, Lae Morobe Provins
SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo
KRISMAS: 23 (Man)
ADRES: Nisol Elementary School, PO. Box 538, Lae 411, Morobe Provins
SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz
KRISMAS: 38 (man)
ADRES: PO. Box 4731, Lae, Morobe Provins
SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson
KRISMAS: 18 (Man)
ADRES: Komnaik Stationary Ltd, PO. Box 182, Mendi, SHP
SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi
KRISMAS: 23 (Meri)
ADRES: M&S Tsang Cash & Carry, PO. Box 19, Madang, Madang Provins
SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego
KRISMAS: 19 (Meri)
ADRES: C/- Joshua Sono, PO. Box 77, Kiunga, Westen Provins
SAVE LAIKIM: Pilai Musik, Harim musik na ritim buk.

NEM: Ivan Gudego
KRISMAS: 17 (Man)
ADRES: C/-Joshua Sono, PO. Box 77, Kiunga, Westen Provins
SAVE LAIKIM: Go Lotu, Harim musik na painim poro.

NEM: Peter Kul
KRISMAS: 22 (Man)
ADRES: St. Edward Ambang - C/- PO. Box 28, Banz, Jiwaka Provins
SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii
KRISMAS: 31 (Man)
ADRES: College of Distance Education, PO. Box 2071, Yomba, Madang Provins
SAVE LAIKIM: Go danis, Harim musik, Watsim TV, Tok pilai, Kisim wara na go swim

NEM: Yakias James
KRISMAS: 18 (man)
ADRES: Annia Village C/- Kanabea, Catholic Mission, PO. Box 220, Kerema, Gulf Provins
SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

Raun wantaim Kanage olgeta wik



Painim hat long stretim marit i bruk na mi laikim helpim

Dia Laipain,

Mi gat 20 krismas na mi bin marit taim mi gat 17-pela krismas.

Mi save bungim hevi long marit laip bilong mi na nau marit bilong i bruk bihain long wanpela yia. Marit bilong mi tupela i bruk long wanem, long sampela toktok namel long papa-mama bilong mi na ol papa-mama bilong meri bilong mi taim mi bin stap longwe long em long wanpela yia.

Mi laikim tumas meri bilong mi na mi laikim em long kam bek, tasol taim mi save laik go kisim em, em save rausim mi long hap bilong papa-mama bilong em. Bai mi stretim dispela hevi olsem wanem?

MENDING BROKEN MARRIAGE

Dia Pren,

Mipela i tok tenkyu long rait i kam long mipela long painim helpim.

Yu gat 20 krismas, na bin marit taim yu gat 17 krismas, tasol bihain long wanpela yia, marit bilong yu tupela i bruk long wanem ol kainkain kros namel long papa-mama bilong yu na bilong meri bilong yu.

Planti pipel long dispela graun i gat wankain hevi olsem long laip bilong ol.

Marit i presen i kam long God na i save kam wantaim blesing taim ol sampela kwaliti i stap namel long meri na man olsem pasin laikim, pasin bilip, trupela pasin, rispek, pasin bilong i no bel-hat kwik, pasin bilong daunim laik bilong olupela bel, pasin bilong laikim yu yet na pasin bilong wokabaut stret oltaim wantaim pasin bilong stap isi.

Marit laip em i wanpela proses o rot yu bai bungim planti kainkain hevi maski ol samting yu save o yu no save we i save bringim gutpela kaikai samting na sampela nogat. Dispela ol samting yu bungim bai i ken helpim yu long bildim gutpela samting long laip bilong yu na tu sampela gutpela pasin o kwaliti na sampela we i nogut.

Pren, yu bin soim olsem yu laikim meri bilong yu tumas. Olsem tasol i moabeta, mipela i laikim yu long lukluk long ol dispela askim pastem bihain long



yumi go het;

- Pasin laikim em i wanem?
- Olsem wanem yu laikim meri bilong yu?
- Wanem samting i mekim yu laikim meri bilong yu tumas?

Sampela bekim bilong ol askim long antap i stap long hia long helpim yu:

- Long marit, pasin bilong laikim tu ol arapela ol save tok olsem i nogat pinis bilong en, i save raus na strongpela pasin bilong laikim i mas long wanpela na narapela long tingting na hat bilong em maski yu husat o wanem kain man o meri.
- Pasin bilong laikim tru ol arapela i mas kam long hat bilong yu na dispela pasin laikim i nogat pinis bilong em.
- Yu laikim em long pasin na wei olsem em yet na i no long samting nating bilong dispela graun olsem mani, kolos em i werim o long lukluk bilong em long ausait sapos em i luk naistru.

Dispela pasin bilong laikim ol i save tok TRUE LOVE O TRUPELA LAIKIM long givim bel bilong yumi long ol arapela i save bringim gutpela pasin helpim, pasin bilong lukautim arapela, pasin bilong givim samting, pasin bilong stap wetim God i mekim gut long yumi, pasin bilong rispek na pasin bilong harim tok.

Long dispela pas bilong yu, i gat sampela isu na askim yu bin laik save we mipela i laikim tu long yu skelim na tingim long ol,

- Dispela kros namel bilong ol papa-mama bilong meri na papa-mama bilong yu i as bilong marit bilong yu tupela i buruk taim yu tupela i staim wantaim o i gat narapela samting o as bilong em i

stap?

- Wanem as bilong bel hevi bilong ol na i mekim yu tupela i seperet o brukim marit bilong yu tupela?
- Yu ting olsem meri bilong yu i stil laikim yu tumas na stil laikim yu na laikim yu tupela long stap wantaim olsem marit man na meri?
- Fos Divos – em i minim olsem, yu tupela i gat bikpela pasin laikim long wanpela narapela, tasol bikos long kros o bel hevi long namel bilong papa-mama bilong yu tupela i mekim na marit bilong yu tupela i buruk?

Pren, ating i gat as long wanem na papa-mama bilong meri bilong yu i no laikim yu long lukim pikinini bilong ol. Mipela i laikim yu painim aut wat po ol i mekim olsem long yu.

Sapos papa-mama bilong em i stil pasim yu long lukim meri bilong yu, mipela i laikim yu go kisim sampela skul tok o helpim long ol lain bilong yu o poroman bilong yu. Ol i ken givim yu sampela gutpela toktok long sait bilong kastom o ol arapela wei we i ken helpim wantaim dispela hevi yu stap long en.

Yu bin baim pinis meri bilong yu (Bride Price)? Sapos nogat, mipela i laikim yu stat mekim sampela liklik pemen long soim ol yu laikim tumas meri bilong yu long kam bek na tu tok stret long yu ken baim ol narapela long bihain taim.

Long wankain taim, mipela i laik yu toktok wantaim ol papa-mama bilong yu long tingting bilong yu na toksave long ol na ol i ken helpim yu long stretim dispela kros long mekim pasin bilong stap bel isi wantaim papa-mama bilong meri bilong yu.

Pren bilong yu Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

BSP Benk opim Tari Brens

Stanley Nondol i raitim

MOA long 300,000 pipel long nupela Hela provins nau gat sans long kisim sevis bilong BSP benk long mekim laip bilong ol isi, tenkyu i go long BSP benk long opim tari brens long dispela wik Mande.

Fainens Minista James Marape tok bikipela tenkyu long BSP Benk menesmen long opim gen Tari brens bi-hain long pastaim PNGBC benk bin pasim brens long hap bi-hain long planti wan-pisin pait moa long 20 kris-mas go pinis.

Minista Marape i tok benk sevis em i bikipela samting, na em i singaut long ol pipel long Hela provins na Tari long mas gat rispek na lukautim dispela sevis na mas noken bagarapim na tu em singaut long ol pipel long hap long noken kamapim ol kriminel pasin.

BSP opim brens wantaim 4-pela nupela ATM masin long givim sevis long ol kastoma. Minsita Marape i tok Hela provinsel gavman gat moa long K300milian long provinsel baset na tok dispela benk sevis bai halivim ol pipel stret.

Minista Marape tok dispela em karim kaikai bilong wanpela MOU em sainim wantaim BSP benk taim em stap siaman bilong Hela Trensisen Autoriti long So-mare gavman.

Ol skul, haus sik na na ol pablik seven na tu ol bisnis haus nau mas stat long yusim benk sevis i stap long haus dua. Mista Marape tok ol pipel long Hela i save kam long Mendi na Hagen long mekim benking, na tok dispela bai helpim ol pipel gut tru. Em i autim bikipela tenkyu gen long BSP menesmen long kisim BSP benk go long Hela.

Win mani bilong dinau mani em antap tumas

Stanley Nondol i raitim

Praim minista Peter O'Neill, i tok interes ret o win mani bilong bekim dinau mani long PNG em antap moa na winim ol arapela kantri na em i tok gavman bai tokotk wantaim Sentrel Benk long kontrolim ol mani maket bisnis.

Praim Minista tok planti ol fainens kampani o mani maket bisnis long kantri em ol i no gat laisens bilong mekim mani dinau bisnis long kantri. Em i tok ol dispela kampani save sasim ol kastoma bikipela interest o win mani na tok ol pipel mas kisim bikipela lukaut long ol giaman kampani kam raun na trikim ol pipel na save ronawe taim ol kisim mani na promis long peim kastoma bikipela win mani.

Mista O'Neill i tok dinau mani long ol fainens kampani em gutpela na isi long kisim tasol long bekim em save hat. Em toke m gutpela long pipel ken sevim mani bilong ol na daunim pasin bilong dinau.

Praim Minista tok ol

bikipela fainens kampani long kantri i gat K7bilian na gavman save dinau long stretn baset deficit, na save peim bek. Em i tok ol sampela liklik kampani save sasim bikipela win mani na tok Tresari Minista Don Polye bai tokotk wantaim Sentrel Benk long kamap wantaim rot long kontrolim fainens kamapim husat sasim bikipela win mani long ol pipel.

Long wankain taim memba bilong Anglimp South Waghi Joe Komun Koi i tok ol fainens kampani save sasim moa long 150% long ol kastoma long peim win mani long ol. Em tok ol planti fainens kampani na tu benk save grisim ol man gut tru long givim loan o dinau tasol win reit bilong bekim wantaim win mani em bikipela tumas. Em tok dinau mani nau i kamap bikipela hevi tru, na save mekim ol famili na wok man meri save go rabis taim ol i wok long bekim. Mista Koi tok dispela tu save kamapim planti hevi long famili na tok gavman mas kamap wantaim sampela rot long kontrolim dispela dinau mani bisnis.



SAINIM: Tupela Praim Minista bilong PNG, Peter O'Neill na Julia Gillard bilong Australia i sainim Difens Triti Koporesen taim Ms Gillard i bin stap long tripela de wokabaut i kam long PNG tupela wik i go pinis. **Poto:** Veronica Hatutasi



Wantok

Advertise your Business right here!!

We deliver your message right to the remote areas of PNG where others don't go.
Wantok Niuspepa is your medium to communicate your business now.

**Niuspepa
Bilong Yumi Ol PNG
Stret!!**



Call the Advertising team on,

Ph: 3252500 Fax: 3252579 or

Email: wantok.com.pg or Website: www.Wantokniuspepa.com



Yunitek sumatin lukluk raun long Ramu NiCo Basamuk Rifaineri

BIKPELA rifaineri bilong Ramu NiCo long Basamuk i save opim ai bilong planti lain tru long PNG, bikos em i yusim nupela kain teknoloji long PNG na tu Saut Pasifik.

Planti lain long PNG i save mangal tru long raun i go lukim Basamuk we bikipela rifaineri bilong Ramu NiCo i stap long en.

Long las wik 25-pela Aplaid Kemistri sumatin wantaim ol tisa o leksera bilong Yunivesiti ov Teknoloji long Lae i bin mekim wanpela lukluk raun i go long bikipela rifaineri bilong Ramu NiCo long Basamuk.

Dispela lukluk raun bilong ol Yunitek sumatin em namba wan tru ol lain bilong bikipela yunivesiti o koles long PNG i mekim bihain tasol long Ramu Projek i statim prodaksen bilong en long Disemba 6, 2012.

Sif Opereting Opisa bilong Ramu NiCo, Mista Gao Yongxue i welkam long ol dispela namba tri yia digri sumatin wantaim ol leksera bilong ol na i kisim taim tu long tokaut na stori long Projek long ol.

Jeneral Mensa bilong Basamuk Rifaineri Operesens, Mista Philip Alcorn na Trening Menesa, Jeffers Heptol wantaim ol arapela ofisa tu i bin stap long bungim ol sumatin bilong Yunitek.

Dispela lukluk raun bilong ol sumatin bilong Yunitek em i no nupela taim we Ramu NiCo Rifaineri long Basamuk i kisim ol sumatin. Tupela yia i go pinis, ol sumatin bilong Divain Wod Yunivesiti i bin mekim lukluk raun bilong ol i go long Basamuk Rifaineri. Ol sumatin bilong Madang Tisa Koles tu i bin mekim lukluk raun i go long Basamuk Rifaineri sampela taim i go pinis.

Mista Gao i tok klia long ol lain Yunitek sumatin olsem Ramu NiCo i go insait pinis long Projek Komisining bilong en wanpela yia i go pinis na em i gat strongpela bilip long putim aut namba wan nikel projek long PNG i kamap gut stret. Dispela em bikos Ramu NiCo i yusim ol nupela kain masin na teknoloji we i nupela tru long wol na i yusim ted jeneresen Hai Presa Esid Litsing (HPAL) teknoloji.

Bihain long Mista Gao i givim toktok, Mista Alcorn i toktok long sait long ol prosesin masin long plent. Em i stori tu long wanem ol rot ol masin i save wok, we i narakain tru long ol arapela nikel



Mr Gao Yongxue, bos man bilong Ramu NiCo i welkamim ol sumatin.



Ol sumatin ron antap long sip bilong Ramu NiCo, mv Carrie i go long Basamuk.

Ol sumatin i miting wantaim wok man bilong Ramu NiCo long Basamuk Rifaineri.

projek long wok.

Mista Alcorn i toktok tu long ol salens kampani i bungim, sefti menesmen wok, developmen bilong ol wok lain, sait long lukautim bus, graun na wara (envairomen) na rot long kontrolim na ol wok insait long komyuniti lieson o wok-bung wantaim ol lokal komyuniti.

Trening Menesa long Basamuk, Mista Jeffers Heptol bihain i kisim ol lain sumatin i go insait long wanpela indaksen o givim toksave long

sait long sefti na wanemol stendet em Ramu NiCo i yusim long promotim "Nogad Birua" long kamap olgeta taim.

Bihain long dispela ol sumatin na ol tisa i kisim sans long raun lukim ol bikipela masin na eria bilong Rifaineri olsem HPAL, nutralaisesen na prodak eria, sok stesin, weahaus, kemistri lebrotari na sentrol kontrol rum. Ol sumatin i bin gat taim tu long askim kwesten na kisim ol bekim o ansa i kam long ol

teknikol opisa bilong Ramu NiCo long Rifaineri.

Ol dispela sumatin bilong Yunitek i stadi aninit long Dipatmen bilong Aplaid Sains we i save kisim 4-pela yia na bihain ol bai kisim Aplaid Kemistri Digri.

Dispela lukluk raun bilong ol i go long Basamuk i stap insait long program bilong ol we olgeta yia ol sumatin i save mekim lukluk raun i go long ol maining indastri long lukim ol operesins insait long min-

eral prosesin plent. Dispela i karamapim tu ese leboratori na envairomen leboratori.

Taim ol sumatin i mekim kain ol lukluk raun olsem em bai opim tingting bilong ol long save gut long skul ol i stadi long en long sait long Mineral Teknoloji na Jio-Kemistri.

Ol lain leksera husat i go wantaim ol sumatin long Basamuk Rifaineri em Mary Kama, Dokta S. Gopalakrishnan na ol arapela edministretiv wok lain bilong Yunitek.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Agrikalsa So bilong NARI long neks mun

WANPELA de Agrikalsa In-ovetiv So bilong Nesenel Agrikalsa Risets Institut (NARI) long neks mun bai komisanim nupela Baioteknoloji Leb na tu, lonsim 10-pela yia Progrem Implimtesen Plen 2012-2020 bilong NARI.

Dairekta Jenerel bilong NARI Kaunsel, Raghunath Ghodake na tu, Dokta John

Kola em Siaman bilong NARI Institut i laik tokaut long pablik olsem 2013 Agrikalsa In-ovetiv So bilong NARI bai kamap long Fonde Jun 27 long Se Alkan Tololo Risets Senta long 10 Mail, Lae long Morobe Provins.

"Mipela i amamas long tokaut olsem Praim Minista Peter O'Neill i tok orait pinis long givim kinot o bikipela tok-

tok long dispela taim.

"Tresera na Ekting Minista bilong Haia Edukesen, Risets, Saiens na Teknoloji em Don Polye, bai go pas long progrem bilong dispela de," tupela bikman i tok long wanpela stetmen," tupela bikman i tok.

Ol i tok ol bikipela stekholda o patna bilong NARI bai putim ol samting long ol stol

o liklik tebol long pablik i ken lukim long dispela de. Agrikalsa Inovetiv So

Ol i tok bikipela samting bai kamap long dispela de em long komisanim bilong nupela Baioteknoloji Leb na tu, lonsim 10-pela yia Progrem Implimtesen Plen 2012-2020 bilong NARI.

Tu, ol bai lonsim nupela buk ol i kolim long "Capacity

Building of Agriculture Research for Development: Lessons from Practise in PNG" na tu, autim tupela nupela teknoloji.

"Mipela i strongim ol stekholda bilong mipela, ol patna na ol fama husat i laikim ol nupela senis long kam long dispela so na serim, lainim na senisim ol nupela tingting wantaim long

dispela bikipela de," tupela bikman i tok.

Long kisim moa toktok long dispela, yupela i ken ringim o feksim Nancy Bali o James Laraki long telepon namba 4751444, salim feks long namba 4751450 o imeilim Nancy Bali long imeil edres: nancy.bali@nari.org.pg, o James Laraki long james.laraki@nari.org.pg

Nupela mobail mani sistem bilong ol maket mama

OL meri i save maket insait long ol maket long Mosbi siti bai gat nupela Mobail Mani na Bil pe sistem we bai strongim ol long sevim mani bilong ol na tu, daunim stil pasin long ol mani ol i save kisim long salim ol samting long maket.

Dispela bai kamap bihain long Gavana bilong Nesenel Kapitel Distrik, Powes Parkop, i bin sainim wanpela join agrimen wantaim Yunaitet Nesens Wimen (UN Women) na Nesenwaid Maikro Benk long go hetim wanpela pailot mobail mani na bil pe sistem long Gerehu Maket wantaim as tingting long yusim sistem na bai nogat nid long karim bikipela kesmani, na tu, daunim ol vailen krait na stil pasin long ol maket insait long Mosbi



EM i SWIT: Kariso Janet i sindaun gut wantaim ol lain bilong em na salim ol naispela Hailans kaukau bilong Goroka long Gerehu Maket, Nesenel Kapitel Distrik. Planti lain i save go baim ol swit-pela kaukau bilong em. **Poto: Veronica Hatutasi**

siti.

Gavana Parkop i tok dispela nupela sistem em i win win situesen.

"Dispela nupela sistem bai em i win samting long olgeta lain i stap insait long em.

"Ol lain i maket bai gat seif

GUTPELA FRES KUMU: Maria Lui i laikim gut ol pres kumu we ol kastoma i save go long Gerehu Maket i save baim long em. Long 15 krismas nau, Maria i save maket long Gerehu Maket. **Poto: Veronica Hatutasi**



envaironmen na inap long kisim sevis, na NCDC tu bai kisim gutpela samting long sait bilong kolektim ol maket fi.

"Mipela i muv i go fowet wantaim," Gavana Parkop i tok long aste taim ol i sainim agrimen long Mosbi.

Sampela tok klia long dispela mobail mani na bil pe sistem em dispela.

Ol i kolim sistem long "Mi-Cash" na em i olsem Mobail Walet i operet long ol mobail fon.

Ol lain i rijista long salim ol gaden kaikai long maket i ken dpositim ol kes bilong ol i go insait long ol mobail wallet wantaim mobail mani ejen na olgeta de, venda o lain bilong salim ol samting long maket i ken peim ol yusa fi long bil pe sisten we i lunk i go long ol mobail wallet bilong ol.

Wanpela wok painim we ol UNW i bin karimaut i soim olsem stil pasin i save kamap long pinis bilong maket taim ol maket meri husat i kisim bikipela mani long salim ol samting long maket i laik go long ol haus bilong ol.

Dolly

Em bai mekim yu laikim sampela moa!

PROUDLY PNG MADE

RED TUNA CANNERS LTD.

Luksave long ol spotsmanmeri bilong yu



Long wik i kam, Me 25, bai yumi luksave long sampela ol nam-bawan spotsmanmeri bilong yumi taim ol i kisim SP Sports Awod bilong ol.

Dispela ol spots manmeri bai kam long ol pilaia, edministreta na ofisol, ol nius ripota bilong spots, nambawan spots poto na tu nambawan spots tim.

I gat 14 awod olgeta ol bai resis long kisim.

Long las wik, Ogenasing Komiti tokaut long tripela man, meri na tim husat i stap insait long fainol bilong winim wanwan awod na long wik i kam bai yumi lukim husat tru namel long ol dispela tripela husat i stap insait long fainol, bai kisim.

Histri bilong SP Sports Awods

Dispela yia bai makim namba 21 yia bilong SP Sports Awods na tu em i 21 yia bilong SP Brewery olsem mama spona bilong en.

SP Sports Awods i kamap long givim luksave i go long ol spotsmanmeri bilong Papua Niugini husat i save wokhat tru long makim kantri.

Planti bilong ol spotsmanmeri bilong yumi no save wok mani tasol bikipela laik bilong ol long pilai spots na makim kantri bilong ol i save lukim ol i wokhat long trening na tu long painim ol rot bilong bungim mani long helpim trening na pilai bilong ol.

SP Sports Awods i save helpim ol long kisim gutpela luksave bilong kantri na tu long ol spona na ol spots ogenaisesen.

Dispela i save apim mak na rekot bilong ol long kantri na tu long ovasis wantaim.

SP Sports Awods i save givim luksave bilong ol spotsmanmeri bilong olgeta yia.

Ol awod we ol bai kisim long dispela yia bai givim luksave long ol long ol hatwok na gutpela rekot ol i mekim long las yia.

Hau bai mi helpim long spots awods?

Sapot bilong yu em i bikipela samting, yu bai no inap save long dispela tasol ol manmeri husat i save pilai o mekim wok bilong spots bai tokim yu olsem dispela em i tru.

Sapot i no min mani na ol samting tasol, sapot long sait bilong gutpela toktok na pasin bilong givim luksave long ol gutpela pilaia bilong yu, bai mekim ol i amamas na ol bai pilai gut na strong moa.

Wanpela rot long soim kain sapot tu em long kain ol samting olsem SP Sports Awods.

Ol spotsmanmeri yet i no inap putim nem bilong ol yet i go insait long kisim wanpela awod, dispela bai nap luk gut na tu bai no inap bihainim astingting bilong kisim luksave long ol manmeri na sapota bilong PNG.

Sapos yu laik helpim long givim luksave long gutpela spotsmanmeri bilong yu, orait, yu mas kisim wanpela nominesen fom long niuspepa o long opis bilong PNG Sports Federation & Olympic Committee (PNGSFOC), putim nem bilong man, meri o tim yu ting i mekim gut long las yia na i mas kisim wanpela mak o luksave long en.

Yu mas putim sampela pepa, poto na ol ripot o liklik toktok sapot i go wantaim nominesen fom bilong yu na go lusim long PNGSFOC opis.

Ogenasing Komiti bai bungim dispela olgeta nominesen fom nag vim i go long seleksen komiti husat ol bai skelim na makim husat ol bai kisim wanpela awod.

Planti bilong yumi save tingting olsem, "Mi



nominetim em tasol taim em i win bai em i no inap tingim mi long wanpela samtin."

Dispela kain tingting i no gutpela na i save bagarap astingting bilong spots na tu gutpela pasin ol dispela spotsmanmeri mekim long makim yu long ol bikipela gem long ovasis.

Ol i givim bikipela taim, mani na hatwok long laip bilong ol long pilai, we i save helpim tu long kisim planti bikipela samting na luksave i kam bek long kantri tu.

Makim ol long kisim wanpela spots awod em i gutpela samting long soim tenkyu na amamas bilong yu long ol.

SP Awods long dispela yia

Olgeta nominesen na seleksen wok bilong ol spotsmanmeri bilong SP Sports Awods long dispela yia i pinis nan au bai yumi wetim tasol long lukim husat bai kisim wanpela awod long Me 25 long Crown Plaza hotel long Mosbi.

Ol awod bilong dispela yia bai givim luksave long ol hatwok na gutpela rekot na mak ol dispela spotsmanmeri putim long 2012.

Sapos yu no bin putim nominesen bilong yu dispela yia, orait yu was gut long fevret pilaia, tim, spot o edministreta bilong yu long dispela yia nay u ken makim nem bilong em long kisim wanpela long ol dispela awod long 2014.

Yumi mas tok amamas tu long SP Brewery na ol arapela spona husat i wokbung wantaim PNG Sports Federation & Olympic Committee (PNGSFOC) na PNG Sports Foundation (PNGSF) long mekim dispela SP Sports Awods i kamap.

Bikipela tenkyu tu i mas go long ol spotsmanmeri bilong yumi husat i save wokhat tru, na givim bikipela taim, mani, save, strong na laip bilong ol tu long makim kantri bilong yumi long ol bikipela spots pilai insait long wol.

Husat ol i stap long fainol bilong kisim wanpela spots awod nau, mi laik tok amamas long yupela na husat i winim awod em wanbel na amamas i stap wantaim yu.



JACOB Lillyman



MARTIN Kennedy



DAVE Shillington

Ol yangpela Kwinslen mas soim strong

PLANTI ol yangpela bilong Kwinslen mas soim strong sapos ol laik stap insait long Kwinslen tim long namba wan pilai bilong Stet ov Orejin.

Prop bilong Sydney Rooster Martin Kennedy em wanpela yangpela husat i wok long pilai strong long mekim tim bilong em i go stap long namba tu ples long NRL leda.

Kennedy i opim ai bilong ol selekta bilong Maroons long pilai bilong em long ol wiken go pinis na dispela

wiken sapos em pilai gut wantaim ol Storm dispela prop bilong ol Rooster bai mekim namba wan taim bilong em long Maroon kala.

Long wanpela koperet dina long Suncorp Stadium long Mande ol selekta bai makim ol 17-man long pilai long traim long winim stret 8-pela taitol statim long namba wan pilai long Jun 5 long Sydney.

I luk olsem Kennedy, Canberra prop Dave Shillington, Warriors hatpela man Jacob Lillyman na yutili

Ben Barba wantaim Daly Cherry-Evaans ol mas soim strong na pilai gut long dispela wiken long pulim ai bilong ol Kwinslen selekta.

Kennedy na Lillyman i gat bilip olsem ol bai stap long Maroons bens olsem risev pilai, Shillington i mekim kam bek bilong long NRL bai long em kisim bagarap tasol long wiken go pinis em soim gutpela pilai long pulim ai bilong kosa Mal Meninga long stap insait long tim.

Dave Taylor bai laki long

ol NRL jas sapos ol lukim takol bilong em, em mekim long namba 7 bilong Brisbane Broncos Peter Wallace, long wiken i go pinis.

Fowod bilong Saut Sydney Ben Te'o bai i gat liklik hevi long paitim wanpela meri, tasol em tokim klab bilong em long raitim wanpela toksave pepa go aut olsem em no mekim dispela hevi.

Ol Kwinslen selekta i tok ol bai no inap toktok long dispela hevi bilong Te'o nogut bai bagarapim nem bilong em long Orejin pilai.

Storm bilip long kam bek bihain long dro wantaim Manly



COOPER Cronk bai traim long kisim win bilong Storm bek.

MELBOURNE NRL kosa Craig Bellamy i stretim ol pilai bilong bihain long bikipela gem bilong ol wantaim Manly long Mande nait we tupela tim wantaim bin dro 10-10 bihain long ekstra taim long AAMI Pak.

Bellamy i tokim ol nius manmeri olsem dispela pilai em wanpela strongpela pilai ol bois bilong i bin pilaim i go inap long ekstra taim tu.

Em tok tu olsem, sampela liklik samting tim bilong em mas senisim long taim bilong trening na kisim rait long wanem bai ol bungim nara-pela strongpela tim Sydney Rooster long dispela wiken.

"Yumi mas redi long pilai 10 minit ekstra na dispela em bai yumi mas pilai hariap long kisim graun na kisim wanpela poin long fil gol," Bellamy i tok.

Tunde em namba wan de bilong ol long trening na dispela em isi long wanem ol bin pilai long Mande nait.

Roosters i gat 16-poin long kompetisen na ol winim stret 5-pela pilai bilong ol na ol gat gutpela difens tu long kompetisen.

Difening primias Melbourne i kam daun long 15-poin bihain long ol bin winim stret 9-pela pilai bilong ol, tupela lus na wanpela dro wantaim Manly long Mande.

"Em gutpela sain bilong mipela long Mande nait, long wanem mipela bin lus long Penrith na Canberra we tupela tim wantaim i stap daunblo long top 8," Bellamy i tok.

Kosa Bellamy i tok, Storm mas improve long stat na givim 80 minit pefomens na skoa long heli wantaim ol Rooster em bikipela samting.

Rooster i gat tupela de malolo bihain long ol bin pilai long Townsville long Friday nait na dispela em bai ol kam strong taim ol bungim Storm long dispela wiken.



SPOTS DRO RAUN 11

Fraide: Me 24, 2013



Leichhardt Oval

W/Tigers V^s Cowboys



ANZ Stadium

Bulldogs V^s Broncos



Sarare: Me 25, 2013



WIN Jubilee Oval

Dragons V^s Panthers



Allianz Stadium

Roosters V^s Storm



Sande: Me 26, 2013



Mt Smart Stadium

Warriors V^s Knights



Brookvale Oval

Sea Eagles V^s Raiders



Mudgee Stadium

Eels V^s Titans



Mande: Me 27, 2013



Toyota Stadium

Sharks V^s Rabbitohs



Raun 10 Poin Leda

Pos	Tim	W	L	D	Pts
1.	Rabbitohs	9	1		18
2.	Roosters	8	2		16
3.	Storm	7	2	1	15
4.	Sea Eagles	6	2	1	13
5.	Knights	6	4		12
6.	Broncos	5	4		10
7.	Sharks	5	4		10
8.	Titans	5	5		10
9.	Raiders	5	5		10
10.	Panthers	4	6		8
11.	Cowboys	4	6		8
12.	Dragons	4	6		8
13.	Bulldogs	4	6		8
14.	Eels	3	7		6
15.	Warriors	2	8		4
16.	West Tigers	2	8		4



PNC's Information & Music Leader

FRIDAY 24 MAY



7.45PM

ANZ STADIUM, SYDNEY

SATURDAY 25 MAY



7.30PM

ALLIANZ STADIUM

SUNDAY 26 MAY



2.00PM

MT SMART STADIUM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAWULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



PNG Pawa bai go pas long lukaut bilong Junia Isikel Tovia taim ol bungim Yunaitet Bradas long gren fainol bilong sofbol long dispela Sande long Bisini. *Poto Nicky Bernard*

Vipers na Isapea bung long Pot Mosbi

Nicky Bernard i raitim

DISPELA wiken bai lukim tupela tim bilong Mosbi bai bung long PRL long namba wan taim long dispela yia Digicel Kap. Maski Isapea em tim bilong ol Gulf tasol Pot Mosbi em olsem hom graun bilong ol. Vipers em ol papa bilong PRL longpela taim nau.

Isapea i nogat gutpela rekot long PRL graun long yia i go pinis, tasol em i mekim nem long dispela yia. Isapea i holim 5-pela gem long Pot Mosbi we i lukim em i win 3-pela pilai bilong ol.

Dispela wiken bai lukim tupela tim wantaim bai brukim ol sapota bilong long wanem tupela tim wantaim save pulim olgeta sapota bilong Pot Mosbi.

Vipers i nogat gutpela rekot tu long go pilai outsait long Mosbi tasol dispela yia ol mekim gutpela rekot long winim sampela pilai bilong outsait long Pot Mosbi.

Isapea bai traim long winim dispela gem long mekim rekot bilong wantaim Vipers, long narapela han, Vipers bai traim long holim rekot bilong ol wantaim Isapea long noken win ol.

Vipers i gat planti bilong ol Kumuls stap insait long tim bilong ol, tasol dispela bai no inap wari long ol bikpela fowod bilong Isapea.

Isapea i gat ol bikpela fowod we ol tu bin sekim ol fowod bilong ol strongpela tim olsem Gurias na Mioks taim ol bin bungim ol.

Dispela wiken pilai namel long dispela tupela tim bai lukim spit bilong bek lain tasol bai winim pilai bilong ol na ki long gol.

PNG Pawa i pawa tumas long Sofbol

Nicky Bernard i raitim

PNG Pawa i gat moa pawa olsem na ol kam bihain na winim Eagles long semi fainol bilong A gret sofbol pilai bilong ol man long las win Sande long Bisini sofbol pilai graun

Eagles husat i go pas long skoa long namba wan ining we ol PNG Pawa long kisim wanpela hom ran long tripela ining olgeta.

PNG Pawa i gat planti long ekspirien pilaia i win ol bes tasol i painim hat long kam hom long wanem Eagles i stopim olgeta gutpela beta bilong ol long paitim gut bal

Pitsa bilong PNG Pawa Daniel Tovia i kisim fom bilong em long namba wan na tu ining, dispela mekim Eagles i skoaim wanpela ran bilong ol.

PNG Pawa kam bek strong long ol tripela ining we mekim ol kisim tupela hom ran na

mekim ol go pas long skoa.

Eagles i painim hat long kam bek long wanem, pitsa bilong PNG Pawa Daniel, i kisim moa pawa na fom bilong em bek olsem na em i no lusim wanpela bilong Eagles long kisim ol bes.

PNG Pawa i go pas long skoa 2-1 inap pilai pinis. PNG Pawa nau bai go bungim ol Yunaitet Bradas long gren fainol long dispela wiken long holim bek taitol bilong ol long yia go pinis.

Gurias planim Eagles long ‘matmat’

Michael Novingu i raitim

NGIP Agmark Gurias i kilim Mt Hagen Eagles na planim ol long Kalabond matmat long raun siks Digicel Kap resis, wantaim skoa 64-8 long Kokopo las wik Sande.

Long 15 minits i go insait long namba wan hap bilong pilai, kepten bilong Gurias, Ase Boas, i kisim wanpla gutpela bal i kam long prop Dion Aiya na i skorim namba wan trai bilong ol long kona i kisim skoa i go 4-0.

Dispela i opim dua bilong ol Gurias i lukim ol trai i ron olsem wara long nekim ol Hagen Eagles.

Dispela taim ol bois bilong Eagles i traim hat long brukim banis bilong ol Guria, tasol ol i no inap long skoa bikos ol Gurias bois i putim strongpela was we ol Hagen bois i no inap long brukim.

Bihain long 36 minit long namba wan hap bilong pilai, Nelson Daplan i kisim wanpela gutpela bal i kam long kepten Ase Boas na i brukim banis bilong ol Hagen Eagles na skorim seken trai bilong ol.

Kepten Ase Boas i kik i go insait na i kisim skoa 12-0.

I no long taim, Emmanuel Toide i kisim wanpela bal ol pilaia bilong Hagen Eagles i dropim na em i givim siksti long 20 mita lain na skorim namba trai bilong Gurias.

Kepten Ase Boas i no mekim asua long kik i go insait i lukim Gurias i go pas wantaim skoa 18-0.

Long dispela taim ol kange bois i no givap yet. Ol i traim hat long skoa, tasol ol i no inap long brukim banis bilong ol tobras bois na skoa.

Dispela i no pasim ol long skorim trai na long 37 minit, Elijah Peter i kisim bal long namel long pilai graun, na givim siksti long 20 mita, na skorim namba wan trai bilong ol.

Bihain liklik, Junia Rau i skorim narapela trai bilong ol na kisim skoa i go antap 18-6.

Dispela em i las trai bilong ol Hagen bois long pilai bilong ol long wiken.

Insait long 38 minit, Nelson Daplan gen i kisim wanpela lus bal ol Eagles i dropim, na em i skorim arapela trai na Ase Boas i kikim i go insait na lukim skoa i sanap 26-6.

Bihain long hap taim, ol Gurias i putim strongpela banis na gutpela bal wok i lukim ol i skorim foapela trai long kisim skoa i go antap long 64-8.

Seken hap bilong gem ol Hagen Eagles inap long skorim planti trai long winim dispela gem, tasol ol i mekim planti asua long dropim ol bal, na i no putim strongpela was long ol Gurias i lukim ol i givim gem i go long ol Gurias i winim dispela gem.

75 minit i stap long pilai bai pinis, na tupela strongpela beklain man bilong Gurias, em Kumul Dion Aiya, na Wartovo Puara Junia i mekim gutpela bal wok i lukim ol trai i kam long Boas Ruru, Ase Boas, Nelson Daplan, na Emmanuel Toide.

Puara Junia i kisim men-ov-de mets, na K200 mani i kam long PNG Motors, na K100 flex kad i kam long Digicel PNG Ltd.

Namba tu men-ov-da mets i go long Emmanuel Toide, husat i kisim K200 mani i kam long Sauten Enterprises, na K100 fleks kad i kam long Digicel.



Ol viles spots opisal i mas i gat trening

LONG kantri bilong yumi, wok plening na developmen i mas kirap long ples level, long strongim tingting bilong botom-ap plening.

Wantaim sistem bilong developmen i kam nau, gavman i wok givim moa mani i go long ol distrik, long traim inapim olgeta ol projek. Nau, ol dispela man i stap long haus dua bilong ol stret.

Dispela i min, olsem long taim bilong trening na skulim samting, ol ples i ken lukim gutpela bilong ol dispela mani. Mani bai inapim distrik administresen long strongim wok trening bilong ol progrem olsem ol spots teknikal developmen progrem. Ol dispela kain progrem i karamapim spot administresen, wok kosa, wok refri, na wok spots marasin.

Olgeta lain i gat laik long bihainim ol dispela wok i save go long kisim trening long strongim save bilong ol long ol eria ol i laik bihainim. Ol dispela lain bai go insait long foapela teknikal eria olsem mi kolim pinis. Ol bai kisim wanwan trening bilong ol dispela eria.

Pipel husat em ol administreta bai kisim administresen trening, na wankain long ol arapela. Taim ol i go bek, ol i ken mekim wok bilong ol na yusim trening ol i kisim pinis.

Long dispela taim, i gat ol lain husat em ol jek-ov-ol-treds. Dispela em i gutpela bikos taim i nogat manmeri long mekim wok, ol i ken mekim. Inap ol arapela i kisim trening, dispela man o meri i ken karimaut olgeta wok. Tasol i moabeta long gat wanpela grup manmeri i wokbung wantaim long mekim olgeta wok.

Ol ples long kantri i mas i gat ol gutpela fasiliti o ples bilong pilai, na ol i mas lukautim i stap orait olgeta taim. Ol lain husat i kisim save i ken mekim samting i kamap. Ol i mas kisim strong long karimaut ol wok bilong ol gut.

Ol yangpela pipel i mas kisim gutpela trening long wanem koud ol i enrol long en. I mas i gat taim bilong givim skul long sait bilong skills, long inapim ol yangpela pipel long kisim gut olgeta skills na teknik. Ol lain i kisim skul long strongim save tasol bai inap long mekim samting i kamap.

Spots administresen na spots marasin em tupela wantaim em ol bikpela samting. Strongpela ronim bilong spots long ples i bihainim mak bilong save ol dispela lain manmeri i kisim trening long en. Ol pilai resis oltaim na painim halivim long ol bisnis na wanwan manmeri i nidim ol manmeri i gat inap trening.

Spots marasin em i bikpela samting long sait bilong ol birua long bodi. Fes Eid i ken halviim ol manmeri i bungim birua long pilai. Ol yangpela i ken strongim trening bilong ol, bihainim wanem kain birua ol i gat long bodi bilong ol. Karimaut fes eid i ken mekim bikpela senis. Dispela eria bilong teknikal developmen i mas kisim bikpela luksave.

Mi lukim long ai bilong mi yet, ol samting we i kan kamap sapos gavman i strongim toktok wantaim wok stret bilong trenim ol viles teknikal opisal. Makerupu viles em i mekim pinis.

i kam long bek pes

CPL saptim PNG Palais

“Mi laik tok bikpela tenkyu i go long City Pharmacy long sapot bilong ol long 5-pela yia wantaim ol meri Palais, mipela i wok hat long kisim dispela pilai i go aut long ol meri long ol narapela provins long ol mas save long dispela pilai bilong ragbi yunien, planti ol gutpela meri stap long pilai tasol long we bilong pilai ol mas lainim,” Jeneral Menesa bilong PNGRFU, Simon Kerr i tok.

PNG Palais ol makim ol olsem namba 4 long Pasifik na wol, ol bin winim sampela ol pilai bilong ol long tu long Oceania sempionsip.

Long dispela yia ol gat sampela bikpela pilai bilong long ovasis olsem Oceania sevens sempionsip long Oktoba na Asia Pasifik sempionsip long bihain. Ol pilai ditels bai PNGRFU bai salim bihain taim ol kisim olgeta samting.

CPL grup i amamas long saptim ol spot insait long kantri, na dispela ragbi yunien ol meri kisim em bikpela samting stret na mipela amamas tru long helpim ol meri long yunien,” Darekta bilong CPL



CPL sapotim PNG Palais



Nicky Bernard i raitim

PNG Palais ragbi yunien meri kisim bikipela sapot i kam long City Pharmacy, dispela sapot bilong CPL bai go inap 5-pela yia olgeta long lukaut tim Palais.

Dispela sapot bilong CPL long ol meri Palais bai bring namba bilong long sapotim ol spots insait long kantri i go antap long tripela olgeta.

CPL grup i bin sapotim Rebels netbol tim klostu long 20-pela yia olgeta, na bihain em sponsaim Vipers Ragbi bilong tim bilong Pot Mosbi aninit long stoa bren Stop N Shop, na dispela namba tri sapot bilong ol gen long PNG Palai em bikipela sapot tru ol givim long ol spots insait long kantri.

PNG Palais bai karim nem bilong City Pharmacy long wanem hap ol go pilai long en, na tu, tokaut long pasin bilong paitim meri.

Menesing Dairekta bilong CPL Grup Mahesh Patel wantaim tripela PNG Palais i amamasim dispela sponsa bilong City Pharmacy. *Poto Nicky Bernard.*

Moa long Pes 27.

Johnston's Pharmacies Ltd

Baby Products

Bouncing net

Heinz baby food

Sensi baby nappies

Sensi

Sensi Sensi Sensi Sensi

P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg